



*Association of Aruban Realtors (AAR):*  
**Agentenan di real estate no ta responsabel pa  
prijsnan halto di vivienda na Aruba**



Pagina 3

- **CBS: Deficit di entrada na januari ta e di dos mas halto den ultimo seis aña**

Pagina 2

- **Intercepcion riba lama**

Pagina 6

- **ONU y gruponan di ayudo ta adverti tocante instabilidad creciente na Haiti**

Pagina 11

**Republica Dominicana cu ceremonia solemne a conmemora 181 aña di Independencia**



Pagina 2



**Aruba ta fortifica seguridad cibernetico den sector di aviacion**

Pagina 6




**Problema grandi cu colecta di impuesto na Corsou**

Pagina 8

  
**TUI DEALS** OP=OP  
**AMSTERDAM**  
BIAHE IDA I BUELTA FOR DI  
**AWG 1324.-**  
pa persona  
  
Skèn e QR-code pa e oferta aki

 **paga tiki tiki**

E preis mensioná ta un preis di komienso di un biahe ida i buelta pa persona ekskluyendo gastunan di reservashon, i ta reservá di kambionan di preis i eroman di imprenta.  
AUA



**CARNIVAL**  
\$20,000 IN TOTAL PRIZES!  
*Frenzy*

EVERY WEEKEND FROM 9:30PM - 11:30PM,  
WIN YOUR SHARE OF \$5,025

THE CASINO AT  
**THE RITZ-CARLTON**  
ARUBA



## CBS: Deficit di entrada na Januari ta e di dos mas halto den ultimo seis aña

**Recientemente, Oficina central di Estadistica, CBS a publica datonan tocante e CPI pa luna di Januari 2025. Den esaki, a inclui informacion tocante e Bestaansminimum.**

E bestaansminimum pa un hogar consistiendo di dos (2) adulto y dos (2) mucha (edad 0-15 aña) na Januari 2025 ta Afl. 5,480, un caida di Afl. 31 compara cu December 2024 (Afl. 5,511). E bestaansminimum pa un hogar di un (1) adulto ta Afl. 2,609, un caida di Afl. 15 compara cu December 2024 (Afl. 2,624).

Kico ta un “Bestaansminimum” y con e ta wordo ahustata? CBS ta defini un bestaansminimum como e nivel minimo di entrada cu ta wordo percibi necesario pa un persona of famia por funciona den sociedad di un manera adecuado y socialmente aceptabel. Ora nos usa e definicion “Bestaansminimum”, en realidad ta wordo referi na un “Social Bestaansminimum” y no na e definicion literal di un “Bestaansminimum” cu ta referi na “e suma di placa necesario pa cumpra e bienes

y servicionan cu ta wordo considera necesario pa bida un bida liber di privacionnan basico” (Nacionnan Uni). Un indice a wordo crea pa e “Bestaansminimum” door di calcula e costo di tur recursonan esencial cu un adulto promedio ta consumi durante un luna. Cada luna e indice aki ta wordo ahusta, a base di e prijsnan di alimento, paña, vivienda, transporte y otro articulonan den e canasta.

E bestaansminimum actual ta wordo basa riba e rapport “Bestaansminimum 2010” publica door di CBS na Januari 2010, y cual ta wordo actualisa mensualmente segun e CPI. E unidad di referencia usa door di CBS (manera indica den e rapport aki) ta di un hogar cu ta consisti di dos adulto y dos mucha (di 0 pa 14 aña).

Bestaansminimum na Januari 2025

E bestaansminimum ta e nivel minimo di entrada cual ta wordo percibi cu ta necesario pa logra mantene un nivel di bida adecuado den un cierto pais. Usualmente e bestaansminimum ta wordo determi-

na door di calcula e gasto di tur e recursonan esencial cu un adulto ta consumi den un luna of aña. Generalmente esaki ta wordo yama un indice basico di necesidad, y e ta varia segun e prijs di cuminda, paña, vivienda, transporte y otro articulonan den e “canasta”. Escalanan di ekivalencia ta wordo usa pa ahusta e nivel minimo di entrada percibi pa hogarnan di diferente tamaño y composicion. E escala ta asigna un peso di 1.0 pa e prome adulto y 0.5 pa cada adulto adicional den e hogar (edad 16+) y un peso di 0.3 pa cada mucha (edad 0-15 aña). E bestaansminimum ta basa riba cifranan di e rapport “Bestaansminimum 2010” y ta wordo actualisa mensualmente pa cu inflacion usando e CPI mensual. E unidad di referencia den e rapport aki ta di un hogar cu ta consisti di dos (2) adulto y dos (2) mucha (edad 0-15 aña).

Na Januari 2025 e bestaansminimum mensual pa un hogar cu ta consisti di dos (2) adulto y dos (2) mucha (edad 0-15 aña) (Afl. 5,480) ta muestra un subida di Afl. 18



compara cu Januari 2024 (Afl. 5,462) y a wordo causa principalmente door di subidanan di Afl. 16 y Afl. 14 den e sectornan di “Cuminda y bebida no-alcoholico” y “Transporte”. E caida mas grandi na Januari 2025 a wordo registra den e sector di “Vivienda” (Afl. -10).

Na Januari 2025 e bestaans-

minimum mensual pa un hogar cu ta consisti di un solo adulto ta Afl. 2,609, cual ta representa un deficit di entrada di Afl. 623, un subida di Afl. 8 compara cu e deficit observa un aña pasa (Afl. 615). E deficit aki ta e di dos mas halto registra den un periodo di seis (6) aña pa luna di Januari.

## Republica Dominicana cu ceremonia solemne a conmemora 181 aña di Independencia

**Ayera mainta, na Plaza Juan Pablo Duarte, y den presencia di mandatario, embahador y invitadonan special, comunidad Dominicana na Aruba a celebra e di 181 aniversario di nan independencia.**

Comunidad Dominicana na Aruba tin un raiz profundo, y e dos nacion historicamente tin bon cooperacion cu otro. Prome minister Evelyn Wever-Croes a recorda cu e lasonan aki a cuminsa di tempo tabatin e industria di sucu na unda varios Arubiano y Curasoleño a bay biba y traha eynan.

Despues a bin e temporada di industria di refinaria na Aruba sigui pa turismo na unda hopi ta esnan cu a bin back pa establece nan mes akinan. Manera nos libertador Betico Croes semper a bisa; Arubiano no ta solamente esun cu a nace na Aruba sino tambe esun cu a haci di Aruba su hogar, manera el a bisa durante un discurso ayera marcando e ocasion.

Presidente di Parlamento,



Gerlien Croes a pone un kraans dilanti e monumento di Juan Pablo Duarte den number di Parlamento, mientras prome minister Wever-Croes a pone uno den number di gobierno. Cuperpo Consular, fundacion, y otronan a pone kraans tambe como muestra di aprecio y respet.

Consul Dominicano na Aruba, Luis Perez Delgado tambe a duna un discurso, unda a reflexiona riba e logronan di Republica Dominicana, incluyendo 181 aña como un nacion independiente.





## Segun Association of Aruban Realtors (AAR) agentenan di real estate no ta responsabel pa prijsnan halto di vivienda na Aruba

**Durante e rondanan di consulta cu formadornan, Gerlien Croes y Mike Eman, ta hibando como parti di e proceso di formacion di gobierno, nan a reuni cu e Association of Aruban Realtors (AAR). Jennifer Figaroa miembro di e directiva di e asociacion a splica kico tabata e puntonan di prioridad cu a bin dilanti durante e reunion.**

Figaroa a indica cu e reunion a bay hopi bon ya expresa cu nan ta contento di por a reuni cu e formadornan. El a splica cu tabatin varios punto di importancia cu nan a kier a trece dilanti, pero pa motibo di e tempo cortico a enfoca riba dos punto cu ta cardinal pa e asociacion.

Un di e puntonan aki ta e profesionalisacion di e real estate brokerage na Aruba. Figaroa a splica cu e industria di realestate ta un industria cu ta esencial y cu ta yuda e economia di Aruba. El a menciona cu no solamente nan ta fungi como intermediario den e transaccionnan entre e comprador y bendedor, pero tambe hopi importante, el señala, nan ta “gate keepers” di e sistema financiero

El a indica cu no obstante cu nan ta cay bou di supervision di Banco Central di Aruba y cu nan ta cumpli cu tur e regulacionnan, el a expresa cu nan ta sinti cu e por bay miho.

Figaroa a splica cu relaciona cu e punto aki a trece dilanti cu aworaki e framework, e proceso cu tin pa bira un agente di real estate ta hopi facil, locual ta haci cu, segun



el a sigui splica, pa e personanan cu di berdad ta inverti tempo, placa, educacion y preparacion pa duna un servicio excelente na e clientenan, e ta baha e balor pasobra e ta simplemente mucho facil pa bira un agente di real estate.

Durante e reunion, el a indica, nan a trece e punto di enfoca aki dilanti y a duna recomendacion di kico por haci pa mehora e aspecto aki, manera por ehempel implementa un licencia pa bira un agente di real estate.

Banda di esey e asociacion a trece dilanti un tema cu ta hopi presenta y actual den comunidad, cual ta e tema di vivienda accesibel pa famia-y/of personanan di clase media.

Esaki ta un fenomeno cu ta

andando pa hopi tempo caba. Figaroa a remarca cu ta un hecho cu casnan ta caro y nan como agentenan di real estate ta ser culpa di aumenta e prijs di casnan den mercado, locual el a sigura cu no ta correcto. “Aworaki mescos cu nos tin un escasez nacional den labor, nos tin un escasez den casnan y esaki ta tres mil na unda 200 so ta ser construi pa aña.

El a splica, como ehempel, cu aworaki pa traha un cas di 100 vierkante meter e ta costa 2,700 florin pa vierkante meter cu ta pone cu e cas lo cas lo tin un costo di 270 mil florin, sin conta e tereno. El a indica cu terenonan tambe ta caro y no tin tereno eigen-dom, locual ta bin cu ‘vraag en aanbod’. El a sigui splica cu terenonan aworaki tin un prijs di entre 500 y 600 florin

pa vierkante meter locual ta haci e ora cu si un persona compra un tereno di 300 vierkante e por sali, si rond af bay ariba, 200 mil florin.

Na final compra of traha un cas di 100 vierkante meter lo por costa alrededor di 500 mil florin.

El a agrega cu e persona aki dicidi cu aki dos aña e kier bende su cas, nan no por bis’e pa na ki prijs e mester bende su cas.

Ademas, el a indica, cu no solamente e factornan ey ta hunga un rol. El a menciona cu costo di bida tambe ta caro y costo haci negoshi ta hopi caro cu ta haci cu e construccion di un cas ta bira caro tambe.

“Nos ta hopi contento cu nos a bin y nos ta akinan pa e pueblo. Nos ta akinan pa guia, pa duna conseho y p’esey pa nos ta hopi importante pa sigui educa nos mes pa asina por duna e servicio optimal cu e ciudadano mester pasobra compra un cas y bende un cas ta algo sumamente importante. E ta algo cu ta bin cu emocionnan y bo mester ta completamente ekipa como consehero pa por guia e persona ey,” el a indica.

Por ultimo, contestando pregunta di miembro di prensa tocante e tema di casnan cu ta ser compra pa stranheronan of ta ser transforma den AirBNB, Figaroa a splica cu a

toca e tema, pero den detaye, pasobra otro gremionan ta papia di dje.

El a indica cu en berdad hopi cas ta ser bendi cu stranhero, pero el a señala cu esaki ta casnan riba 600, 700 of 800 mil dollar cu fuera di e alcance di un famia di clase media. El a agrega cu ta algo cu ta sucediendo y a expresa cu reglanan mester bin pa yuda den e aspecto aki. “Esey nos ta consciente y ta para su tras, ta djis mester yega na mesa y wak con e regla aki ta ser hinca den otro pasobra na final di dia, nos ta biba di e turismo,” el a finalisa.

No ta un secreto cu cada bi-aha mas y mas propietario di casnan ta scoge pa dreña den e negoshi di huur nan propiedad como vacation rental. Inicialmente e fenomeno aki tabata sucede na cierto partinan di e isla, por ehemplo Palm Beach cu ta e area turistico, pero esaki a bin ta expande y aworaki propietario di cas na tur parti di e isla ta prefera di no huur nan propiedad na localnan pa tempo largo, pero mas bien pone nan cas disponibel pa turistanan.

Scarsedad di vivienda ta un problema hopi presente y grandi, apart di un otro problema cu ta biba den comunidad, cu ta e prijsnan haltisimo di e casnan disponible pa huur, y pa compra, ya cu prijsnan aworaki ta lista na dollar, y no na florin. Mester agrega na lista aki tambe e problema di casnan di vakantie cu ta opera di forma ilegal.

Vivienda ta un di topiconan cu durante eleccion a ser treci dilanti pa tur partido politico como parti di nan preocupacion y un punto pa mehora. Expectativa di hopi ciudadanano ta riba gobierno nobo pa mira si nan ta aborda e problematica aki di un punto di bista diferente y si en berdad nan lo trece cambio pa ciudadanonan, hobennan, cu tin e deseo di un dia por tin un cas propio por yega na esaki.





## Mas fondo y personal extra ta puntonan esencial cu FADA a trece dilanti durante reunion cu formadornan

**Director di Fundacion Anti Droga Aruba (FADA) Rhomyko Winklaar y su delegacion a reuni recientemente cu formadornan di gobierno, Gerlien Croes y Mike Eman. Manera varios otro instancia y stakeholder den comunidad, FADA a trece dilanti nan puntonan di prioridad y preocupacionnan relacion cu e trabou cu e fundacion ta eherce.**

Den su declaracionnan na prensa Winklaar a splica cu durante e reunion cu e formadornan nan a trece dilanti nan preocupacionnan y tambe nan vision pa locual ta trata e aña cu a caba di drenta y añanan siguiente. El a remarca cu nan a para keto na e parti di prevencion, cu ta un parti esencial den e trabou di e fundacion. “Semper nos a bisa preveni ta miho cu lamenta y eyan ta unda nos a pone enfasis riba dje,” el a indica.

Pa loke ta aumento di cantidad di uso di droga of trendnan nobo cu tin entre e hobennan, of ciudadanonan en



general, Winklaar a indica cu e trend nobo cu ta conoci internacionalmente ta vaping.

El a remarca cu esaki ta algo cu tin atencion di e fundacion. El a splica cu hopi biaha nan ta wak hopi biaha cu e tendencia aki ta bin dilanti no solamente entre hobennan, pero nan ta mira c menornan di edad, muchanan hopi mas hoben ta usando esaki pasobra e ta un tendencia.

Winklaar a menciona cu social media tin un influencia masha grandi den locual ta adultonan mes, pero sobretodo e tin un influencia grandi den muchanan. Aki, el a remarca, ta unda cu e muchanan hopi biaha ta tuma

tendencia aki over sin pensa ki consecucionnan esaki por tin pa nan aworaki den presente y pa despues den futuro.

Pa loke ta e puntonan di preocupacion, el a splica cu nan a trece dilanti cu nan lo desea naturalmente pa tin hopi mas prevencion ta tuma luga. El a señala cu nan tin mester di personal ekipa pa por haci e funcionnan aki y relaciona cu esaki e fundacion kier trece mas training pa nan personal ta miho prepara.

“Tin hopi scolnan na Aruba y nos deseo ta pa por yaga na tur scol y tur mucha cu nos por yega na dje ta uno menos cu lo por termina den futuro

riba caya cu un adiccion of cu un problema psiquiatrico of problema mental,” el a remarca.

Problema di falta di persona ta algo cu e fundacion tambe ta enfrenta. Winklaar a splica cu como fundacion nan ta desea haya mas persona, pero ta importante pa nan ta ekipa pa nan por yega na tur caminda.

El a indica cu e fundacion ta draai diferente proyecto, pero ta proyectonan di duracion cortico y nan ta desea pa esakinan tin un duracion mas largo. “Lo ta ideal si nos por tin dos of tres persona extra pa haci tur e trabounan ki. Por ta e no ta zona hopi pero mirando e cantidad di peticion cu ta drenta pa nos por acapara tur loke nos tin. Pasobra actualmente den weekend y parti anochi nos ta duna servicio y pa alivia nos personal pa tur hende por haya e calidad di servicio cu nos ta desea di brinda,” el a agrega.

Pa loke ta e situacion financiero y si e fundacion tin necesidad di mas fondo, Winklaar a indica cu ta ideal si nan lo tin mas fondo mi-

rando cu gastonan ta keda subi tur aña. “Nos ta pleita pa yega na fondonan extra. Nos ta haya hopi biaha fondo di sector priva, vooral ora ta trata proyectonan, mirando cu tin e parti di responsabilidad di organisacionnan, Corporate Social Responsibility, caminda hopi biaha organisacionnan ta duna di nan parti tambe pa ora cu tin proyectonan special, e ora bo ta haya bo cu tin proyecto cu ta tuma luga cu fondonan externo,” el a splica.

Por ultimo, Winklaar a indica cu e deseo di fundacion ta cu nan por haya e fondonan necesario, y esaki el a menciona ta trata di alrededor 900 mil florin den su totalidad, pa por draai cu e personal. Ademas di esaki, el a agrega nan mester di material tambe pa parti flyer na scolnan y pa e parti di prevencion tambe tin costo. “Si no tin fondo pa e producto yega e no ta yega na unda cu e tin cu yega. Eynan lo ta ideal cu nos tin e fondonan aki pa nos por haci esaki realidad,” el a finalisa.

Potret: Facebook FADA

## Rode Kruis Aruba ta spera cu por tin un miho cooperacion cu gobierno nobo

**Recientemente formadornan, Gerlien Croes y Mike Eman, a reuni cu un organizacion cu su trabou ta enfoca den brinda ayudo y traha na bienestar di comunidad, Rode Kruis Aruba. Durante declaracionnan na prensa despues di e reunion cu formadornan, director di Rode Kruis Aruba, Stephen Daal, a splica con e reunion a bay y kico ta e puntonan di importancia cu a ser treci dilanti.**

Daal a indica cu durante e reunion nan a duna un splicacion na e formadornan di kico e organizacion ta haci caba socialmente na Aruba.

Ademas di esaki, pa loke ta trata puntonan cu mas a resalta, preocupacionnan of aspectonan cu mester di mehoracion cu nan organizacion a trece dilanti durante e reunion, el a informa cu un di e puntonan mas importante cu nan a subraya ta un miho cooperacion cu e futuro gobierno.



Daal a indica cu un miho cooperacion ta consisti di e parti financiero y e parti di comunicacion cu diferente departamento cu ta atende

asuntonan social na Aruba. “Nos ta boga pa tin un miho cooperacion cu tur e departamentonan. Nos ta bezig cu e departamentonan caba,

ta bay tin combersacionnan andando y esey nos a caba di informa formadornan riba esey,” el a splica.

Pa loke ta e situacion financiero di e organizacion, el a splica cu nan ta depende di fondonan di tur caminda.

El a sigui splica cu comercio ta duna fondo y Hulanda tambe ta duna fondo pasobra nan ta cay bou Hulanda, pero Gobierno di Aruba no ta duna fondo, cual ta un punto cu naturalmente tambe a ser treci dilanti durante e reunion cu e formadornan.

Pa loke ta aspectonan cu mester di mehoracion, Daal a indica cu semper tin caminda pa drecha.

El a menciona cu tin algun aspecto, algun punto specifico cu mester sigui papia di dje, pero no tabatin suficiente tempo den e reunion pa papia den detayes riba cosnan cu mester mehora. “Asina cu gobierno sinta, e departamento of ministernan concerni lo adresa e tipo di cosnan ey na su debido tempo,” el a bisa.

Potret: Facebook Red Cross Aruba



**Editor**  
Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

**Operations Manager**

Mariette Engelhart

**Redaccion**

noticia@bondia.com

Pilar Flores (hefe di redaccion)  
Angenette Figueroa (closer editor)  
Leo Maduro  
Raisa Montilla  
Oriana Geerman

**Ehecutivo di Benta**

Sulaika Croes  
sulaika.croes@cspnv.com  
Mark Gomes  
mark.gomes@cspnv.com

**Aviso y Arte**

Sandra Loefstop

Lisa Tromp

**Departamento Digital**

Juan Luis Pinto

**Administracion**  
accounting@bondia.com

Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Francis Dirksz

**Colaboracion**

Associated Press  
Ret Karibense  
Data Key

**Afiliacion**

Sociedad Interamerica  
di Prensa (SIP)

**DIRECCION**

Adres: Weststraat #22  
Tel: 582-7800  
Email: noticia@bondia.com  
aviso@bondia.com  
info@bondia.com  
Website: www.bondia.com  
Facebook: @bondianoticia  
Instagram: bondiaaruba


BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



## Innovacion den Salubridad: Smart Pill

Casi tur lector lo un biaha of otro a bin den contact cu medicina cu mester tuma den forma di pildo. E moda aki di duna medicina no a cambia pa mas cu 200 aña. Ehempelnan conoci ta capsula di Paracetamol, Ibuprofen y nos por sigui. Awo danki na conceptonan masha innovativo te hasta pildo por ta kico nan ta yama "Smart", esta den forma di un mini robot, cu su mesun sensornan, computer chikito y otro forman di comunicacion.

E promesa di "Smart Pills", ta uno masha grandi mes, cu por revolucionaria diagnostica di malesa, duna medicamento den un forma ultra-personalisa y cu precision di e nivel di mas halto. Den contexto di prijs sumamente atractivo compara cu e standard di awo di opname na hospital y diagnostica dor di especialista. Smart Pill pa Diagnostica Na Aruba nos ta conoci cu e screening di cancer di tripa, pa esaki un pashent mester bay te hospital y mester haci testnan diagnostico sumamente fastioso. Awo imagina, si por gewoon tuma un pildo y cu e especialista por haya imagennan en bibo di un hende su tripa of stoma, sin cu mester haci un ingreep sumamente fastioso. Esaki ta e prome promesa di Smart Pills. Cu nan sensorsnan avansa un dokter por haya imagennan en bibo di un hende su stoma of trip, tur esaki mientras tanto e pashent por ta gewoon na cas of trabou. Den e caso aki, si e sensornan y camara detecta un malesa manera inflamacion of cancer,




immediatamente e lo manda un signal y e especialista lo wordo alerta di esaki.

Tambe Smart Pills por brinda sumamente mas informacion cu simplemente imagennan, esta di tur sorto stoffen biologico, kimiconan, pH y hopi otro cos cu lo por ta den interes di un screening di stoma & tripa. Tur esaki tambe por wordo combina cu tecnologia avansa di Inteligencia Artificial medico, cu por bin cu un diagnose pa malesa na un nivel cu un dokter humano nunca lo por yega. Den un forma "schaalbaar" y automatiza, pa asina por haci screening di cantidadnan grandi di hende. Medicina Ultra Personalisa Nos tur ta diferente y ningun caminda esaki ta mas importante cu den rambo di medicina. Eigenlijk e lo ta masha deseabel si por duna tur hende un dosis y


tratamento medico na un nivel ultra-personalisa. Well Smart Pills, ta brinda oportunidadnan grandi pa cu esaki. Usando sensornan avansa cu ta midi tur sorto di meetwaarden medico, e Smart Pill ta duna un dosis di medicina precies cual e pashent lo tin mester. Te hasta tin Smart Pills cu por keda pa mas cu un luna, y cu por duna un dosis di medicina den un manera hopi stabiel cual antes tawata solamente posibel cu un infuus y opname na hospital.

Nos tur sa cu un opname na hospital ta sumamente caro y ta pone hopi presion riba nos sistemanan social, cu e concepto di Smart Pills por reduci cantidad y gastonan di opnames den forma impresionante, mientras tanto cu un pashent ta haya un tratamiento na un nivel di precision cual nos no conoce aki na Aruba ainda.



Tambe dor cu tur cos ta wordo midi 'en bibo' esta live, si e pashent por ehempel ta bayendo atras, inmediatamente e dokter medico lo wordo alerta y asina por grijp-in hopi mas prome cu kico tawata e standard di cuida di antes. Fantastic Voyage: En fin, danki na innovacion electronico y tecnologianan sofisticada, tin conceptonan di Smart Pills cu por yuda cu diagnostica y duna tratamiento den e forma mas personalisa & precies posibel, tur esaki lo reduci sufrimento humano, hisa e efectividad di tratamento baha e cantidad di complicacion di tratamiento, y baha e total di pashent cu mester bay hospital cual lo reduci gastonan medico enormemente.

En berdad e tecnologia ta parece hopi riba e buki di science fiction "Fantastic Voyage" di Isaac Asimov di 1966. Pero den nos caso e ta tecnologianan cu ya caba t'ey. Mi speransa ta cu finalmente nos por wak innovacion berdadero na Aruba, mas pronto cu ta posibel.





## ELMAR: Bo tin tent riba ruta di carnaval? Si e lona bula y alcansa liña di coriente, e consecuencia por ta grave

ELMAR ta pidi atencion di tur esnan cu tin tent riba ruta di carnaval; no mishi cu e tent ni e lona of tarpolin den caso cu esaki bula y alcansa liñanan aereo di coriente. Segun Departamento Meteorologico, nos ta den un siman di biento fuerte te duro den rafaga (wind knots). Esaki ta un peticion importante pa preveni peliger pa bida di

hende.

Ban gosa di nos carnaval cu seguridad den mente. Pa preveni interrupcion di coriente y riesgo pa bida di hende, recorda: Instala bo tent na un manera stabiel pa evita cu e lona of tarpolin di e tent bula y alcansa liñanan di coriente. Ora bo bandona e sitio, kita e lona of tarpolin di e tent pa baha e riesgo di peliger.

Si e lona of tarpolin di tent alcansa liñanan di coriente, no mishi cu e tent ni e lona of tarpolin, esaki por pone bida di hende na peliger. Pa garantiza un carnaval sigur pa tur hende, ta crucial pa cumpli cu e reglanan aki. Si mester asistencia, por fabor tuma contacto cu ELMAR su Storingsdienst na 523-7147. Laga nos celebra cu bon energia, pero tambe cu seguridad!



*Minister Ursell Arends:*

## Aruba ta fortifica seguridad cibernetico den sector di aviacion

Ministerio di Transporte, Integridad, Naturalesa y Asuntonan di Adulto Mayor a tuma un paso importante pa proteha sector di aviacion civil di Aruba contra menasa cibernetico. A crea un werkgroep pa desaroya un Strategia di Seguridad Cibernetico especificamente pa Aviacion, cu ta sigui e standardnan internacional di International Civil Aviation Organization (ICAO).

Cu un dependencia cada bes mas grandi riba sistema di informacion y comunicacion, ta esencial pa proteha e integridad y confidencialidad di dato den e sector di aviacion.



Minister Ursell Arends ta remarca cu pa mantene seguridad y continuidad den aviacion civil, Aruba mester tin un strategia fuerte pa combati menasa cibernetico.

E werkgroep tin como meta: Desaroya un Strategia Nacio-

nal di Seguridad Cibernetico especificamente pa aviacion civil di Aruba, segun e regla di ICAO Annex 17 y e guia den documentonan concerni di ICAO. Evalua e medidanan di seguridad existente y detecta discrepancia of riesgo den e

sistema actual. Formula recomendacion pa maneho cu ta alinea cu e Beijing Convention y otro acuerdonan internacional cu ta relevante.

E werkgroep lo asegura pa e trabou ta alinea cu Aruba su strategia nacional como tambe strategia di ICAO pa cu e tema di seguridad cibernetico. E werkgroep ta consisti di diferente departamentonan importante cu experticio den aviacion y e tema di seguridad Cibernetico. E grupo tambe por yama riba experto for di otro instancia pa duna conseho y guia adicional. E grupo lo tene reunionnan mensual y lo entrega un rapport di progreso cada tres luna na e

Minister encarga. E plan final mester ta cla pa 31 di december 2025.

“Seguridad cibernetico den aviacion ta un asunto di seguridad nacional y pa proteha e pasajero y infraestructura critico, mester bin cu e strategia aki. Aruba ta tuma paso firme pa enfrenta menasa cibernetico y proteha nos espacio aereo,” Minister Arends ta enfatisa.

Gobierno di Aruba ta compromete pa sigui e standardnan internacional y fortifica seguridad pa mantene Aruba como un destinacion sigur y confiabel.

## Intercepcion riba lama

Den oranan di diadomingo marduga 23 di februari, a tuma nota di un boto sospechoso nabegando den direccion di Aruba. Con-

secuentemente a pidi asistencia di e avion Dash-8 di Wardacosta pa asina por analisa e situacion.



Tripulacion di e avion a logra di verifica cu tabata trata di un boto sospechoso y a opta pa inmediatamente alerta personal di Wardacosta na Aruba pa asisti cu e caso. Cu rapidez nan a sali den direccion nort oost di Aruba. Despues di un persecucion

intensivo, miembranan di Wardacosta a logra di intercepta e boto, tipo pinero, cu un total di 4 persona abordado. Tur 4 tripulante, hende homber, ta di nacionalidad Venezolano. Riba e lancha a bin topa cu un cantidad grandi di bulto cu narcotica den

nan.

A confisca aproximadamente 550 kilo di droga. Tur e personanan riba e boto y tambe e paketenan di droga a ser entrega na personal di KPA y mientras tanto a destrui tur droga.



### Departamento di Labor y Investigacion

Departamento di Labor y Investigacion kier a participa na tur cliente cu riba **diabierna 28 di februari 2025** nos ta sera pa publico parti merdia en conexion cu un reunion di personal.

**Departamento di Conflicto** lo atende publico riba e dia aki te **11:00 di mainta**. Diamars 4 di maart 2025 DAO lo ta habri bek pa publico segun orario normal. Nos ta pidi disculpa si esaki por trece cualquier inconveniencia.

Director suplente,  
Sr. A. Lee Riviears



## Autoridadnan a informa cu brote di colera na Sudan a resulta den 70 morto den un siman

(AFP)—Al menos 70 persona a muri di colera y mas di 2,200 a ser infecta den Sudan siman pasa, segun Save the Children a bisa ayera, basa riba informacion di e ministerio di Salud.

E brote a golpia e capital di estado White Nile, Kosti, despues di un atake di drone reporta riba e planta di energia Um Dabakar, 275 kilometro pazuid di Khartoum, cual a causa problema pa acceso na awa limpi.

E situacion ta pone presion riba un sistema di cuido di salud cu ta hopi afecta pa un guerra civil brutal cu ta bayendo na su segundo aña, cu



a laga diesmiles di persona morto y mas di 12 milyon desplasa. “Mas di 2,200 persona, incluyendo muchanan, ta luchando contra e brote mortal di colera den e ciudad di Kosti,” Save the Children a

bisa den un declaracion.

E organizacion humanitario a bisa cu e ministerio di Salud, cual ta alinea cu e ehercito, a reporta mas di 2,243 caso di colera – un promedio di mas

o menos 400 pa dia – den Kosti, cu al menos 70 morto entre 20 y 26 di februari.

Sudan a registra mas di 55,000 caso di colera y mas di 1,400 morto desde cu e brote a cuminsa na augustus aña pasa, segun e ministerio di Salud diamars.

Basa riba dato di e ministerio di Salud, agencia di muchanan di ONU, UNICEF, a bisa ayera cu mas o menos 2,700 casonan di colera a ser reporta den White Nile entre 1 di januari y 25 di februari, incluyendo den mas di 500 mucha.

“E destruccion continuo di infraestructura humanitario

critico a laga ningun mucha safe den e guerra aki,” segun Sheldon Yett, representante di UNICEF pa Sudan.

“Si muchanan ta ser nenga acceso na awa limpi, higiena y servicionan di sanidad, como tambe informacion pa preveni e propagacion di colera, e brote desafortunadamente lo sigui,” el a agrega.

E guerra den Sudan, cual a cuminsa na april 2023, a destrui infraestructura civil y e facilidadnan medico di e pais. Al menos 80% di hospitalnan ta fuera di servicio, mientras esnan cu ainda ta funcionando, ta casi sin suministro medico.

## FDA ta cancela reunion cu expertonan tocante vacuna

(AFP)—E US Food and Drug Administration a cancela diripiente un reunion cu expertonan pa discuti e desaroyo di e vacunanan di gripe pa otro aña, segun reportahe diaranson anochi.

E ta bin despues cu e Senado Mericano a aproba Robert F. Kennedy Jr. como un secretario di Salud e luna aki, descartando e advertencia amplio for di e comunidad medico tocante su historia largo di promove desinformacion di vacuna y nenga hechonan cientifico.

Laboratorionan cu ta produci vacunanan di gripe a depende tradicionalmente riba e FDA pa selecta anualmente cual variante mester ser scoge a base di e variantenan di e virus anticipa pa circula den Merca e siguiente temporada di winter.

Usualmente un comite di expertonan conveni pa e FDA ta haci e seleccion na maart a base di data for di e Organizacion Mundial di Salud. “Nos tur ta purbando di comprende kico ta pasando. Pakico a cancela e reunion? E ta un reunion importante. Kico ta e

plan pa vacunanan di gripe e aña aki,” segun Paul Offit, un miembro di e comite di consejo di e FDA y director di e Vaccine Education Center na e Children’s Hospital of Philadelphia.

Offit a confirma e cancelacion di e reunion y a adverti cu esaki por interferi cu of retrasa e produccion di vacuna contra gripe. El a agrega cu mirando cu e vacunanan tin un ciclo di produccion di seis luna, e ta asumi cu e comite no ta scogiendo variantenan e aña aki. Secretaria di Salud Kennedy a falsamente conec-



ta e vacuna na autismo varios biaha, un declaracion cu a ser

proba falso pa investigacion cientifico.

## OMS ta investiga cluster di enfermedadnan misterioso den parti west di Congo

(AFP)—Organizacion Mundial di Salud (OMS) a bisa ayera cu nan expertonan ta investigando un cluster nobo di enfermedadnan no-identifica den Congo despues di dos otro brote misterioso mas tempran den aña.

OMS a bisa cu e zona di Bolomba den provincia di Equateur a reporta 12 persona cu a cay malo, incluyendo ocho morto, den januari. Na comienso di e luna aki, 158 caso y 58 morto a ser reporta den zona di Basankusu. Y siman pasa, 141 persona a cay malo den zona di Basankusu. Di e periodo aki no a reporta ningun morto ainda.

“Un aumento den vigilancia di enfermedad a identifica un total di 1,096 persona malo



y 60 morto den Basankusu y Bolomba cu ta pas cu e definicion amplio di casonan,” segun e agencia di salud di ONU.

E definicion ta inclui “keintura, dolor di cabes, calafriu, sodamento, nek stijf, dolornan di musculo, dolornan di curpa, sangramento di nani-shi, tosamento, sacamento y diarea.”

“Republica Democratico di

Congo ta enfrentando hopi crisis y brotenan simultaneamente, poniendo mas presion riba e sector di salud y e poblacion,” OMS a agrega.

Un equipo nacional di reaccion rapido, incluyendo expertonan di emergencia di salud di OMS, a ser manda pa investiga e situacion y pa determina si tin un patronchi inusual, segun e organizacion.

Nan ta haci entrevista, ta vig-

ilando e enfermedadnan y ta tratando otro enfermedadnan manera malaria, keintura tifoidal y meningitis.

Testnan di laboratorio inicial a sali negativo pa enfermedad di virus Ebola y Marburg. Rond mita di e muestranan a sali positivo pa malaria. Mas testnan lo ser haci pa meningitis, segun OMS.

Muestranan di cuminda, awa y ambiente tambe lo ser investiga pa contaminacion.

“E brote aki, mescos cu brotenan anterior na Congo, ta di importancia pa e resto di mundo y nos mester sigui ta al tanto di dje y yuda cu diagnostico y tratamiento,” segun Zania Stamataki, profesor asociado den inmunologia viral na Universidad di Bir-

mingham na Gran Britania.

Amanda Rojek, investigador clinico senior na Instituto di Ciencianan Pandemico di Universidad di Oxford, a bisa cu mientras un enfermedad so por ta e causa di tur casonan, “nos ta mira frecuentemente situacionnan caminda un combinacion di enfermedadnan mas comun ta contribuyendo na e cantidad di casonan.”

Un serie di morto no-splica den zuidwest di Congo na october y november aña pasa eventualmente a ser atribui na malaria y infeccionnan respiratorio comun, agrava pa malnutricion. Congo ta un di e paisnan mas pover di mundo.



## Ex-minister di Sint Maarten Christophe Emmanuel acusa di corrupcion

(Curacao.nu) – Ex-parlamentario Christophe Emmanuel ta ser acusa di varios caso di soborno y corrupcion durante su termino como minister di Volkshuisvesting, Ruimtelijke Ordening, Milieu en Infrastructuur (VRO-MI) entre december 2016 y januari 2018.

Segun e acusacionnan, Emmanuel a haya soborno di negociante J.M.B., cu su compania a haya e tarea controversial pa pone un bandera grandi na Bell's Lookout Point. E pago di 23.500 Florin Antiano a tuma luga despues di horcan Irma na september 2017. E proyecto a keda dividi, algun hende ta mira e bandera como un simbolo di



orguyo nacional, pero e bandera cu ta scheur facil ta causa gasto adicional pa gobierno.

Ademas, Emmanuel ta acusa di haya soborno di su complice acusa J.A.D., cu a funciona como un intermediario pa companianan cu tin

proyecto di construccion. Hunto cu su ex-cabinetero M.A.R. y su pareha J.E.B., Emmanuel ta acusa di malversacion di fondonan publico, cual e empresa di infraestructura di B. y R. a haya cuater tarea gubernamental, incluyendo reparacion di pu-

ente y trabounan na un veld di basketball.

Durante e sesion, abogado Safira Ibrahim y Jairo Bloem a pidi investigacion adicional, incluyendo mas di dies testigo, incluyendo funcionario cu posicion halto y politico anterior. E hues lo dicta si lo aproba esaki ariba 13 di maart. Defensor di Emmanuel no a representa su caso diaranson pasobra su abogado Peggy-Ann Brandon no a presenta por motibonan personal.

Un otro punto di discusion ta e acceso na e dossier di e acusado J.M.B., cu kier defende su mes. E fiscal a enfatisa cu ley ta dicta cu solamente abogado por haya e dossier completo, mientras cu acusadornan ta haya informacion solamente den super-

vision di Ministerio Publico. Esaki no ta e prome biaha cu Emmanuel ta den corte pa corrupcion. Na october 2020, un caso anterior, yama investigacion- "Begonia", tocante mal practica den otorgamento di tereno di erfpacht, a ser dicidi no valido.

E acusacion ariba Emmanuel a cuminsa durante investigacionnan y buskeda di cas anterior na october 2022. Durante un atraco den cu cas, evidencia a ser confisca cu a ser usa den e investigacion actual. Emmanuel a keda na controversia hunto cu otro minister ora cu e nan no a pasa e proceso di screening, cu a resulta den un retiro di su nominacion pa un cargo gubernamental nobo.

## Problema grandi cu colecta di impuesto na Corsou

(Curacao.nu) – Departamento di impuesto di Corsou tin gran dificultad pa colecta impuesto cu ta keda atrasa, segun un rapport recien di Fondo Monetario Internacional (IMF).

Tax Administration Diagnostic Assessment Tool (TADAT) a evalua e funcionamiento di e departamento di impuesto y a conclui cu e coleccion di impuesto ta keda seriamente atrasa. Principalmente cu impuesto di ganashi (CIT) y impuesto di salario (PIT), e pagonan ta keda atrasa, mientras cu no tin sancion eficiente pa esnan cu no ta paga.

E raport di IMF ta contrasta

fuertemente cu e comunicado di prensa semanal di minister Javier Silvania di Finanzas, unda e ta enfatisa e aumento mensual di ingreso for di impuesto y premie. Anteriormente, e TWO (Tijdelijke Werkorganisatie) cu ta dirigi e Landpakketten, a indica cu e situacion real no ta acelera manera e minister kier pueblo di Corsou kere.

### Atraso den coleccion

Segun e rapport, no tin proceduranan structura pa colecta impuesto atrasa na tempo. Hopi contribuidornan ta entrega nan declaracion laat of simplemente no ta paga, sin consecuencia. Falta di un sistema di coleccion cu ta funciona bon ta nifica cu e atrasonan ta sigui acumula,

sin un strategia cla pa soluciona e problema aki.

Ademas, no tin un analisis sistematico di e belastingkloof, esta e diferencia entre impuesto cu mester drenta en contra kico realmente ta ser colecta. Sin esaki, e gobierno lo tin dificultad pa implementa un politica di impuesto mas eficiente y pa stabilisa su ingreso.

### Falta di castigo

E rapport tambe ta indica cu, apesar cu boetnan ta existi pa atraso den pago, nan no ta ser imponi of colecta consecuentemente. E falta di consecuencia ta resulta den un situacion caminda hopi hende no ta sinti e necesidad pa paga na tempo. Ademas, e



relacion entre e departamentu di impuesto y ministerio di Financia ta debil, cual ta causa cu no tin un bista actualisa riba e ingreso fiscal.

IMF ta enfatisa cu un coleccion di impuesto mas fuerte ta esencial pa estabilidad financiero di Corsou. Sin re-

formanan den sistema, e gobierno lo sigui depende di prestamo exterior y lo ta mas dificil pa financia servicionan publico. Ministerio di Financia a indica anteriormente cu nan ta trahando ariba un reorganizacion di e departamento di impuesto.

## Sentencia di prizon halto pa asesinato di Mike Venema na Corsou den 2018

(Nu.nl) – Dialuna, un hues na Corsou a condena tres muhe y dos homber entre 23 y 33 aña di edad cu sentencianan di prizon pa e asesinato di e homber Hulandes Mike Venema na 2018. Su curpa a ser haya na fondo di lama.

E sospechoso principal, Suyati M., a ricibi diescincin aña di prizon, mientras cu tabata pidi diesocho aña contra dje. Un otro sospechoso a ricibi diesdos aña, shete aña y trinta luna den prizon. Shakir C. a ricibi detencion hubenil, pasobra e tabata tin dies seis aña na momento di e crimen, segun ANP.



Mike Venema, cu tabatin 53 aña, a ser mata den un cas na e bario luhoso Jan Sofat ariba 12 di september 2018. Despues di e maltrato y asesinato, e sospechosonan a pone su curpa den un pickup y a mancha pa un luga aparta

na banda noord di e isla.

Eventualmente, nan a laga e pickup cu su curpa patras di stuur dreña lama. Mey aña despues, un buceado a descubri e pickup y e curpa di Venema na fondo di lama.

Solamente despues cu Peter R. de Vries Foundation a ofrece un recompensa di 100.000 euro un aña pasa, a bin mas claridad den e caso. No mucho despues, nan a logra haya e sospechosonan, kende algun tabata na Corsou y otro na Hulanda.

Segun Ministerio Publico, e ultimo momentonan di bida di Venema tabata "un fierno real". El a pleita pa su bida, a ser droga, a ser maltrata, nan a dal e cu auto y a hink'e cu inyeccion cu a resulta fatal.

E sospechosonan a bisa cu nan solamente tabata kier a horta Venema, pero e vio-

lencia cu nan a usa a causa su morto.





# MEGA PLUS

Cumpra bo Mini Mega y cu **Afl. 2,-** mas,  
bo por gana e jackpot di



# RECORD JACKPOT

4.350.000,-

# Con?



**Afl. 2.850.000,-**



**FLORIN**  
**Extra!**

**Afl. 1.500.000,-**

**www.lottoaruba.com**



Pa mas informacion yama 525-7555 of bishita nos website [lottoaruba.com](http://lottoaruba.com)



## Corte Supremo di Mexico ta ordena zoologico mehora condicionnan pa olifanti

(AP) – Corte Supremo di Mexico a ordena un zoologico mehora salud di un olifanti Africano nombra Ely, e prome biaha cu e corte mas halto di e pais ta tuma un paso asina pa un animal.

E corte a ordena cu lo mester tin “un mehoracion constante di su salud y condicion fisico.”

E decision cu a ser tuma pa un grupo di cuater hues a sigui un orden di un corte mas abao aña pasa pa Ely, y expertonan ta kere cu esaki por ta un precedente den Mexico pa reconoce cu animalnan tin derecho.

Defensoran a argumenta cu Ely a sufri di depresion, specialmente despues di e morto di Maggie, e otro olifanti cu tabata comparti su habitat, na 2016, y malesanan cu el a a sufri den cautiverio. Ely tabata dal su curpa contra e muraya di su enclausura y a perde peso. Su defensoran a yam’e “e olifanti mas tristo di mundo.”

Esaki ta e momento cu Diana Valencia, fundador y direc-



tor di e grupo di derechon pa animal Opening Cages y Opening Minds, a conoce Ely. “E ta move’ mi realmente pa mira e estado di dje, el a scheur mi alma y mi a haci un promesa na Ely,” Valencia a bisa, kende a sigui bishita e olifanti regularmente durante e aña. El a bisa Ely, “Nan no lo haci e mesun cos bo.”

Ely, cu ta calcula di tin entre 43 y 45 aña, a biba den zoologico San Juan de Aragon den Ciudad de Mexico pa 13 aña despues cu el a ser

rescata for di un circo.

E decision diaranson a sigui un otro decision di corte halto di luna pasa cu a determina cu leynan di Mexico City contra maltrato y crueldad di bestia ta constitucional.

Valencia a reconoce cu e zoologico a mehora condicionnan di bida pa Ely, pero solamente despues di presion publica.

E zoologico a expande e en-

clausura di olifanti y a pone dos olifanti mas na 2023 y 2024.

Veterinaria Gabriela Uribe Acosta, director di e zoologico, a bisa cu e ta confia cu e zoologico lo por cumpli completamente cu e orden di corte pa mehora bida di Ely.

El a bisa cu un ekipo di seis persona ta responsabel pa mantene su enclausura di mas cu 78,000 meter cuadra limpi y un otro seis hende ta monitorea su salud.

Uribe Acosta a desmenti asercacionnan cu Ely ta depresivo. El a bisa cu e olifanti ta stabiel y a mehora despues cu e otro olifantin a bin acerca. E ta move mas y tin bosnan nobo. El a bisa cu ora Ely a yega na 2012, despues di a pasa hopi aña den un circo, e tabatin un problema cu su pia na banda drechi patras cu a limita su movilidad, ademas di un deficiencia nutricional cu a resulta for di un dieta malo.

Pero e orden di diaranson por tin consecuencianan pa mas cu djis Ely. Abogado Sergio Méndez Silva, coordinador di litigacion pa Fundacion local pa Husticia, a bisa: “Mexico ta tumando un paso significativo cu un orden asina y mi ta kere cu esaki lo marca un antes y despues.”

Sinembargo, Valencia ta planea di continua nan lucha pa tur tres olifanti den e zoologico ser movi na un santuario na Brasil of Merca. “Mi no por ta contento pasobra un olifanti no por biba den cautiverio, e ta haci nan malo mentalmente,” el a bisa. “E ta un di e animalnan cu mas ta sufri den cautiverio.”

## Mexico ta manda lider di droga Caro Quintero y 28 otro Merca mientras oficialnan ta reuni cu ekipo di Trump

(AP) — Mexico a manda lider di droga Rafael Caro Quintero, cu ta atras di e asesinato di un agente di DEA di Merca na 1985, Merca cu 28 prisionero cu e gobierno di Merca a pidi, segun un fuente gubernamental Mexicano.

Esaki a pasa mientras e oficial di Mexico ta den Washington tratando di evita e menasa di administracion Trump di impone tarifa di 25% ariba tur importacion Mexicano cuminsando diamars.

Un oficial cu a pidi anonimidad a confirma salida di Caro Quintero. Un otro familiar cu e accion di Mexico tambe a confirma esaki. Oficina di Fiscalia General di Mexico a publica un comunicado indicando cu e 29 prizoneronan ta ser acusa di trafico di droga y otro crimen.

Entre nan ta dos lider di cartel Los Zetas, Miguel Treviño Morales y su ruman, Omar Treviño Morales, Z-40 y Z-42, segun e oficial. Mike



Vigil, ex-hefe di DEA, a comenta, “Esaki nunca a pasa den historia di Mexico. Esaki ta un gran fiesta pa DEA.”

E removimento di e lidernan ta coincide cu un bishita

na Washington di Minister di Exterior di Mexico, Juan Ramón de la Fuente, y otro lidernan di economia y militia, cu a reuni cu Secretario de Merca, Marco Rubio, ariba comercio y seguridad.

Pa evita tarifa, Trump a insisti cu Mexico tuma accion conta cartel, migracion ilegal y fentanyl, apesar di e bahada den migracion y overdosis e ultimo añanan. E accion aki lo indica cu negociacion ta avansando mientras cu fecha di tarifa ta cerca.

Caro Quintero, a sali liber na 2013 despues di 28 aña den prizon ora un corte a revoca su sentencia pa secuestro y asesinato di e agente di DEA Enrique “Kiki” Camarena. Despues, Caro Quintero a bolbe back den e trafico di droga y cuminsa hopi bataya violento na Sonora te cu su arresto na 2022.

Na januari, un grupo representando famia Camarena a manda un carta na Cas Blanco pidiendo Trump renoba peticion di extradicion. “Su regreso na Merca lo trece husticia pa e famia” e carta a bisa.

Fuente anonimo a comenta cu e gobierno di Sheinbaum

a pasa riba e formalidad di tratamiento di extradicion pa manda Caro Quintero sin restriccion.

“Si el a ser manda na Merca sin extradicion formal, y si Mexico no a pone ningun restriccion, e ora e lo por ta procesa pa cualkier cos na Merca, incluyendo e asesinato”, segun Bonnie Klappper, un ex-prosecutor federal di narcotico na Brooklyn cu ta familiarisa cu e caso.

“E intention di Merca ta pa extende nan sistema di husticia” pa crimen cu ser cometi na Mexico por ser procesa na Merca, Saucedo a bisa.

Like us on  
Facebook



facebook.com/bondianoticia



## ONU y gruponan di ayudo ta adverti tocante inestabilidad creciente na Haiti

**(AFP) - Haiti a conoce un "ola di brutalidad extremo" den e ultimo simanman, cu cantidad di asesinato y miles obliga pa huy di nan cas, un consorcio di agencianan di Nacionnan Uni, NGO y donantenan ta adverti.**

"Famianan completo a ser elimina brutalmente den nan cas, mientras cu otro, incluyendo mucha y baby, a ser tira mata mientras nan tabata purba di huy", e grupo, organisa pa Oficina di Nacionnan Uni pa Coordinacion di Asuntonan Humanitario, a bisa den un comunicado dialuna.

Gangnan ta controla porcionnan grandi di Haiti, incluyendo e mayoria di e capital, y violencia a subi a pesar di e yegada di centenares di personal di polis como parti di un mision di sosten multinacional di seguridad (MSS) dirigi pa Kenia.

"Nos ta profundamente alarma y decepciona pa e intensidad inaceptabel y inhumano di e violencia cu ta reinando na Haiti, un ola di brutalidad extremo cu, for di fin di jan-

uari, a resulta den perdida di hopi bida," e grupo a bisa.

El a bisa cu cuater mil hende a ser forsa pa huy for di e area di Kenscoff di e capital, hunto cu dos mil mas for di e municipionan Delmas, Port-au-Prince y Petion-ville.

E grupo a haci un yamada na "tur partido involvi den e violencia aki pa kibra e ciclo di terror y pone un fin na e descontrol aki."

Atakenan fresco a tuma luga dialuna anochi laat, asina residientenan di dos bario den e capital a bisa. "Nan a cende nos cas na candela cu mi tata aden. E ta cruel," un habitante cu a logra huy for di e area a bisa AFP.

Un otro a bisa cu e atake a tuma luga trempan den oranan di mainta mientras cu forsan di seguridad vigilante tabata sosega. "E bandidonan a ataca nos di sorpresa," el a bisa.

Haiti, e nacion di mas pover den America, pa hopi tempo tabata hinca den inestabilidad, pero e condicionnan a empeora severamente na co-

mienso di aña pasa ora gangnan a lansa atakenan coordinaden e capital pa forsa e prome minister di e tempo ey Ariel Henry pa renuncia.

El a entrega poder na un gobierno interino, cu hunto cu MSS a lucha pa kita control bek for di e gangnan.

E MSS aproba pa Nacionnan Uni tin alrededor di mil personal di seis nacion, aunke mayoria di nan di Kenia, for di 2.500 cu a spera inicialmente. Un oficial Keniano a muri despues di a ser tira dia-domingo.

Oficialnan di Nacionnan Uni a pidi repetidamente pa mas sosten pa e mision y un aumento di recursonan pa e nacion, caminda un calculacion di un miyon hende a keda desplasa pa motibo di e violencia.

Siman pasa, Nacionnan Uni a lansa un apelacion pa mas cu 900 miyon dollar na ayudo pa Haiti e aña aki, un aumento fuerte for di 2024, cu tabata solamente 44% financia.

Nacionnan Uni a registra 5.600 morto liga na violen-



cia di gang aña pasa, den un aumento di 20% compara cu 2023, y tambe 1.500 secuestro, casi 6.000 caso di violencia basa riba genero, di cual 69% tabata instancianan di asalto sexual.

Dialuna prome minister Alix Didier Fils-Aime a bisa

cu autoridadnan tabata "den guerra" cu e gangnan.

"Nos ta compromete sin stop pa permiti polis, ehército y MSS pa saca e gangnan fuera di accion," el a priminti den un discurso pa marca su 100 dia den funcion.

## Republica Dominicana: Luis Abinader ta resalta avancen an clave den escena cultural Dominicano

**(DiarioLibre) - Den su di cinco discurso dilanti e Asamblea Nacional en conexion cu e Dia di Independencia, ayera diahuebs dia 27 di februari, Presidente di Republica Dominicana, Luis Abinader, a destaca varios logro riba tereno cultural di e pais.**

Entre nan, el a destaca e fortificacion di e infraestructura cultural, a menciona e aliansa cu Berklee College of Music, e creacion di e Sistema Nacional di Estadistica Cultural, e establecimiento di un fondo di 500 miyon pesos pa sostene empresarionan den e sector cultural, e exito di e Feria Internacional di Buki 2024 y e reconocimiento di UNESCO di casave Dominicano como Herencia Cultural Inmaterial di Humanidad.

Sin embargo, e mandatario a omi cu alquier referencia na e industria di pelicula y Ley 108-10, y e posibel cambionan di esaki, cual a causa asina tanto preocupacion bou



di productor-, director- y actornan di pelicula.

Den su discurso, Abinader a bisa: "Nos identidad cultural ta e esencia di ken nos ta y e herencia cu nos ta laga pa nos hubentud. Ta nos responsabilidad pa provee nan cu educacion, hermentnan y balornan

cu ta permiti nan enfrente e retonan di mundo cu creatividad y compromiso."

E mandatario a destaca e mehoracionnan den infraestructura cultural, citando e modernizacion di e Palacio di Bellas Artes, e apertura di e Auditorio di e Museo

di Hombler Dominicano, e renobacion di e Conservatorio Nacional di Musica y e facilidadnan di e historico Isabela, como tambe e inauguracion di e Parke di Mucha den e Plaza de la Cultural, pa promove acceso for di cultura di infancia.

Danki na e colaboracion cu Berklee College of Music, Abinader a informa cu 23 beca a ser otorga, beneficiando mas cu 200 talento hoben.

Tambe el a destaca e creacion di e Sistema Nacional di Estadistica Cultural, cu ta duna datonan exacto riba consumo cultural y e economia creativo, permitiendo implementacion di politicanan publico mas efectivo.

Tambe el a destaca e fondo di 500 miyon pesos pa sostene empresarionan den sector cultural, promoviendo innovacion y desaroyo economico pa medio di arte.

E mandatario a destaca e exi-

to di e Feria Internacional di Buki 2024, cu a surpasa expectativanan door di impacta mas cu 228 mil hende, aumentando su alcance cu 11% ya genera benta di mas cu 57 miyon pesos.

"E evento aki no solamente a promove lesamento, pero tambe a demostra cu cultura tambe ta un impulsor economico," el a bisa.

Finalmente, Abinader a celebra orguyosamente e reconocimiento di UNESCO di casave Dominicano como Herencia Cultural Inmaterial di Humanidad, resaltando e balor di e tradicionnan y gastronomia di e pais.

E mandatario a conclui su discurso declarando: "E accionnan aki ta refleha nos compromiso cu arte, historia y creatividad, pasobra un nacion cu ta cuida su cultura ta un nacion cu ta construi su futuro cu identidad y orguyo."



## Corea di Sur ta reeligi hefe di futbol controversial

(AFP) - Chung Mong-gyu a bisa cu e ta sinti un “responsabilidad” despues di keda eligi como presidente di Korean Football Association pa di 4 biaha, apesar di a tin termino yen di controversia.

Chung, di 63 aña, tin desde aña 2013 ta lidera Korea FA y a ricibi critica amplio pa e decisionnan cu el a tuma, sinembargo te ainda e ta sigui como e pais su oficial top di futbol despues di a garantisar alrededor di 85% di voto di aranson.

E ta ricibiendo critica pa un intento di pordona hungadonan cu suspension permanente a causa di aregla weganan y e designacion tiki popular di Jurgen Klinsmann



como e coach nacional. Ekipo masculino di Corea di Sur – di cual Tottenham su Song Heung-min ta capitan – a disfruta di etapanan ariba y abao na KFA. Nan a gana 3 medaya di oro consecutivo na Asian Games den 2014, 2018 y 2022, a yega etapa di knockout di Copa

Mundial na Qatar den 2022 pero no a mira un bon resultado na Asian Cup, cual nan tin desde 1960 sin gana.

Chung a enfrenta tambe acusacionnan cu el a ignora proceduranan apropia ora di contrata, pa asina por garantisar e posicion pa Klinsmann.

E ganador di Copa Mundial Aleman no a reloca pa biba na Corea di Sur, cual a causa rabia na e fanaticonan y a keda despedi despues di menos di 12 luna cu e trabao, despues cu e ekipo a mira un derota impactante di 2-0 na e semi final contra Jordan na Asian Cup aña pasa.

Despues a tuma 5 luna pa haya un sucesor pa Klinsmann, cu fanaticonan desapunta pa e falta di transparencia den e escogencia di e ex hungado y coach Hong Myung-bo, cu anteriormente tabata maneha e ekipo ora cu nan no a logra gana un wega na e Copa Mundial di 2014.

Seoul su ministerio di Deporte a lansa un investigacion tocante con a duna Hong e

posicion y a existi pa Chung, ken ta presidente di e gigante inmobiliario Hyundai Development Co., suspende su persona di su responsabilidadnan den november.

Chung, ken ta buscando reeleccion, a priminti mas transparencia ora di contrata e coach nacional y un proposicion pa ta anfitrión di Copa Mundial di hende muhe den 2035. “Mi ta sinti un peso mas fuerte ainda di responsabilidad mirando cu mi a haya sosten amplio den varios region y sector,” el a declara. “Mi lo sigura pa cumpli mi promesanan di e campaña.”

Pa fin di e termino nobo di 4 aña, Chung lo cumpli 16 aña a cargo di Corea di Sur su futbol.

## Locutor di radio despedi pa comentario ‘inaceptabel’ tocante Australia su ekipo femenino

(AFP) - Un locutor di radio cu a haci comentariónan “inaceptabel” tocante Australia su ekipo di futbol nacional femenino a keda despedi diaranson segun loke media local a reporta.

Marty Sheargold a ricibi critica amplio despues di a bisa riba stacion di radio nacional Triple M dialuna cu e ta prefera “claba un clabo” na su parti priva cu wak e ekipo, Matildas, hunga na proximo aña su Asian Cup na cas.

“Bo tin algun deporte masculino?” el agrega cu harimen-

to di e co-locutoran y entre otro comentarionan a bisa cu e ekipo ta cord’e di “muchu muhenan di 10 aña.”

Sheargold a pidi despena sinembargo e show riba diaranson no a lansa, ABC News a informa, reportando cu e comediante y Triple M a “mutuamente dicidi di separa.”

“Mi ta compronde completamente e gravedad di mi comentarionan,” Sheargold a bisa den un declaracion. “Mi kier pidi despena sincero na Matildas y e organizacion en general.”

Anteriormente, Football Australia a reconoce Sheargold y e emisora su disculpa pero tambe a urgi “dialogo respetuoso y constructivo tocante e deporte di hende muhe y su participantenan. Football Australia ta profundamente desapunta pa e comentarionan inaceptabel haci pa Marty Sheargold riba Triple M tocante Matildas,” el a bisa. “E tipo di remarcacionan aki no solamente ta desacredita e logronan extraordinario y contribucionnan di nos ekipo nacional femenino di futbol, sino tambe no ta reconoce e impacto profundo cu nan tin riba deporte di Australia y so-



ciudad.”

Miho conoci como Matildas, e ekipo nacional di Australia regularmente ta hunga weganan na stadionnan sold-out, atrayendo audiencia mas grandi cu e compañeronan

masculino y generalmente mirando mas exito.

Como co-anfitrión cu New Zealand, Matildas a yega semi-final di Copa Mundial femenino den 2023, perdiendo contra Inglaterra.

## Maroco ta anuncia acuerdo di 2.9 bion dollar pa trein Frances, Spaño y di Corea di Sur pa Copa Mundial 2030

(AFP) - Marruecos a anuncia diaranson cu e lo cumpra te hasta 168 trein di Spaña su CAF, Corea di Sur su Hyundai y Francia su Alstom pa 2.9 bion dollar como parti di e preparacionnan pa e Copa Mundial 2030 di FIFA,

cual e lo co-anfitriona cu Spaña y Portugal.

National Railway Office (ONCF) a bisa den un declaracion cu el a otorga e contract pa e “programa di adkision di trein nobo, cu un gasto total di 29 bion dir-

ham, como parti di e plan di desaroyo di 2030.”

Nan ta inclui 18 trein di velocidad halto for di Alstom, cual ta segura un acuerdo prome menciona durante President Frances Emmanuel Macron su bishita na Rabat den october.

Marruecos ya caba tin un linea di carretera di velocidad halto entre e ciudadnan na costa di Tangier y Casablanca, y tin plan di crea un di dos cu lo extende for di Kenitra na e costa pa Marrakesh den e interior.

E prome linea, construi pa Alstom, tin desde aña 2018



den operacion. E contract cu Spaña su CAF ta pa 30 trein interciedad cu un opcion di amplia cu 10, mientras e acuerdo cu Hyundai Rotem ta di 110 trein comun. ONCF a bisa cu e compra tin e meta di contribui na e “organizacion conhunto exitoso

di FIFA su Copa Mundial 2030.”

Tambe el a bisa cu e meta ta di desaroya e industria di trein domestico, cu un fabrica local pa e treinnan comun y “e ambicion di exporta trein den termino medio y largo.”

**Island Asia Store**  
Av. Millio Croes #122 | T. 583-8888 | (front of Price Smart)  
**TIN SURTIDO SPECIAL PA CARNAVAL 71**  
Nos tin jug di diferente tamaño, blas, accesorio, bril solo, keds, sandalia, mea, sapato, sweater y t-shirt.  
Articulo pa bo fantasia di Carnaval y prijs pa tur carteral!  
HORARIO: Dialuna - Diasabra 9AM - 7PM (NON STOP)  
Diadomingo 10AM - 2PM



CELEBRATING FORTY YEARS

# CARNIVAL

**\$25,277**

**PROGRESSIVE\***

**MONDAY, MARCH 3 | 1PM**

8 Games to Play! \$7 for 4 Cards!

Progressive within 51 Calls    Progressive within 52 Calls    Progressive within 53+ Calls

**\$500    \$300    \$200**

Special Door Prizes  
\$1,500 in Total Payouts!

Double your prize with **DOUBLE POWERBALL\*\***

\*Progressive within 50 calls, amount unless hit before 3/3/25. \*\*Except on Progressive.

**BINGO Games and Prizes**

Game 1	Letter X	\$100
Game 2	Large Diamonds	\$100
Game 3	Lucky 7	\$100
Game 4	Letter H	\$100
30 Minute Break / Pick 5 Winners		
Game 5	+ or Cross	\$200
Game 6	Postage Stamps	\$200
Game 7	Letter T	\$200
Game 8	Full Card	\$500

*Alhambra*

CASINO AND SHOPS

Open daily 10am to 3am | J.E. Irausquin Blvd #47 | 288.9000 | casinoalhambra.com

Play Responsibly. Visit [www.gamblersanonymous.org](http://www.gamblersanonymous.org) if you or someone you know has a gambling problem.

## E proximo buki di Paul McCartney ta mira atras na e grupo cu el a forma despues di The Beatles

(AP)—E proximo buki di Paul McCartney, cual lo ser publica mas despues den aña, ta un recordatorio cu The Beatles no tabata su unico banda.

“Wings: The Story of a Band on the Run” ta un historia oral tocante e grupo cu McCartney a forma den añanan 1970, despues cu The Beatles a disolve. Cu miembronan incluyendo Denny Laine y e casa di McCartney e tempo ey, Linda McCartney, Wings a bay for di core bay na diferente show den van pa bende miyones di copia cu hit-

nan manera as “Band on the Run,” “Jet,” “My Love” y “Silly Love Songs.” E banda a disolve na 1981.

Redacta pa historiador Ted Widmer, e buki ilustra di 528 pagina ta conta parcialmente tocante e oranan di entrevista cu McCartney. W.W. Norton & Company, cual tambe a publica McCartney su buki “The Lyrics” y “1964: Eyes of the Storm”, a anuncia ayera cu “Wings” lo ser publica dia 4 di november.

“Mi ta hopi contento di ser transporta back n’e tempo cu Wings y rebiba algun di e aventuranan cu nos a pasa den

dje,” McCartney, 82, a bisa den un declaracion. “Cuminsando full di nobo despues di The Beatles a sinti hopi straño tin biaha. Tabatin varios momentonan dificil y frecuentemente mi a cuestiona mi decision. Pero cu tempo nos a bira miho y mi a pensa, Ok, esaki ta hopi bon.’ Nos a prueba cu Wings por ta un bon banda. Pa toca dilanti audiencianan grandi den e mesun manera cu The Beatles a haci y pa tin un impacto den un diferente manera. E tabata algo fenomenal.”

Potret di AFP.



## Michelle Trachtenberg di ‘Buffy the Vampire Slayer’ y ‘Harriet the Spy’ a fayece cu 39 aña

(AP)—Michelle Trachtenberg, un ex-strea di cine infantil cu a aparece den e pelicula famoso “Harriet the Spy” y a sigui su carera actuando den dos serie popular “Buffy the Vampire Slayer” y “Gossip Girl” a fayece. E tabatin 39 aña di edad.

Polis a responde na un yamada net despues di 8’or di mainta na un toren di apartamento luho den e bario Hell’s Kitchen na Manhattan unda agentenan a descubri e Trachtenberg “fo’i tino y no tabata responde,” segun un declaracion di e NYPD.

E paramediconan a pronuncie morto na e sitio. No a sospecha homicidio y e examinador medico di New York ta investigando e causa di morto, polis a bisa.

Representantenan pa Trachtenberg no a responde inmediatamente na un



peticion pa comentario. Su fayecimento a ser reporta prome pa New York Post. Trachtenberg tabatin 8 aña ora el a cuminsa hunga Nona Mecklenberg riba e serie di Nickelodeon “The Adventures of Pete & Pete Nona” for di 1994 pa 1996 y despues a hunga den e rol titular di e pelicula “Harriet the Spy” y “Inspector Gadget,” banda di Matthew Broderick. “Michelle ta parce un per-

sona genuino pasobra asina e ta tambe. Tur hende por pasa bon cune,” segun Debby Reece, presidente di Nickelodeon Movies na 1996. Na aña 2000 Trachtenberg a uni cu e tripulacion di “Buffy”, hungando Dawn Summers, e ruman menor di e personahe titular hunga pa Sarah Michelle Gellar entre aña 2000 y 2003.

Trachtenberg a gradici Gellar pa papia contra Joss Whedon na 2021, despues di un acusacion di abuso haci contra e showrunner di “Buffy”. “Mi ta balente suficiente awor como un muher di 35 aña pa repost esaki,” el a skirbi riba red social, y a aludi na “su comportamiento no apropia” cu el a experiencia como un actriz adolescente.

Na 2001, el a ricibi un nominacion di Daytime Emmy pa anfitriona e show di Discovery “Truth or Scare.” Trachtenberg a hunga den



“Six Feet Under,” “Weeds” y “Gossip Girl,” unda el a hunga e enemigo di e grupo, Georgina Sparks.

Comosifuera pa cementa su mes den cultura milenio, Trachtenberg a haci un aparicion den un video musical di Fall Out Boys pa nan cancion “This Ain’t a Scene, It’s an Arms Race” hunto cu Seth Green. Su otro creditonan

ta inclui “Ice Princess” na 2005—hungando un prodigio di matematica y patinador artistico—y e comedia di 2004 “EuroTrip.” El a hunga banda di Zac Efron y Leslie Mann den “17 Again” na 2009.

Mas reciente, el a anfitriona e serie documental di crimen “Meet, Marry, Murder” riba Tubi.



Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

## OPINION



Skirbi pa Gregorio Wolff

# Panorama Geo-Politico nobo despues di combersacion Trump-Putin

Parti 3

**Nota di redaccion: Pa motibo di espacio, e piesa di Sr. Wolff a ultimamente ser dividi den tres parti. Aki ta sigui e di tres y ultimo parti.**

Discurso di JD Vance, vice presidente di Merca  
E temanan mas comenta e aña aki ta loke a sali di e discurso di JD. Vance e vicepresidente di Merca dia 14 februari den CSM 2025.

Su discurso tabata ariba:  
Con na Europa, democracia a cay den erornan, Vance a menciona e caso na Rumania, unda cu un candidato no aprecia pa Union Europeo ta gana eleccion y e eleccion ta ser declara nulo. Uzando argumentonan fofo cualnan despues a resulta gañamento formal.

Freedom of speech y censura, e retonan di Europa no ta contra Rusia, ni China, pero e menasa mas grandi di Europa ta bini di paden di Europa mes, Merca no ta bay tuma e responsabilidad mas pa defende Europa.

Interesante ta loke JD Vance a bisa relaciona cu Ucrania den un forma negativo, e posicionnan no-deseable pa Merca:

1. Bay bek na e fronteranan di 2014;
2. Ucrania ta bira miembro di NATO;
3. Ayudo financiero y militar pa Ucrania;
4. No negocia cu Rusia.

Ta nifica cu:  
Pa punto 1, Rusia por keda cu e teritorionan ocupa militarmente.  
Pa punto 2, NATO no ta bay acepta Ucrania como miembro.  
Pa punto 3, Merca ta stop cu tur ayudo militar y financiero pa e guerra.  
Pa punto 4, Merca si ta bay negocia cu Rusia pa stop e guerra.

Un mensahe claro, pero asututo di Merca na e paisnan di Union Europeo y Inglatera.

Tur esakinan despues cu algun dia prome cu e discurso di



JD Vance, tabatin un yamada di Trump-Putin, durante cual yamada a acorda decisionnan mutuo entre Merca y Rusia, unda na Saudi Arabia e delegacionnan di Rusia y Merca lo sinta pa negocia entre otro ariba Ucrania y cual acuerdo na final lo ser firma dor di Trump y Putin.

Awor paisnan di Union Europeo, Ucrania y Inglatera tambe kier forma parti di e deliberacionnan aki, despues cu semper e ultimo añanan nan a nenga di sinta cu Rusia.

Di pronto awor ta Macron ta yama e paisnan di UE, Ucrania y Inglatera na un cumbre pa nan opina ariba e deal di Rusia cu Merca.

Awe ta interesante pa sa con e relacionnan politico na Mundo lo keda despues di e acuerdo Putin y Trump.

Situacion politico nobo na Venezuela  
E prome 25 dianan di Gobernacion di Trump y uzando e DOGE, oposicion extremista na Venezuela, guia pa Leopoldo Lopez, Juan Guaido, MCM (Maria Corina Machado), Julio Borges y mas, a ser bari for di mundo politico na Venezuela. Gobierno Trump a elimina e departamentonan USAID y NED, ta ser bisa pa 6 luna, pero cu expresionnan di e hendenan rond di Trump

ta bisa cu e lo ta pa semper.

E partidonan di oposicion den MUD, Mesa di Unidad Democratico y partidonan di G4 a ricibi masha hopi placa mes for di USAID, cual instituto a financia e partidonan politico den nan campananan pa baha gobierno di Chaves, despues gobierno Maduro for di inicio di e siglo aki. Casi 2.000.000.000, esta 2 biyon di dollarnan e partidonan di oposicion na Venezuela a ricibi. E NGO di MCM a ricibi banda di 640 milyon dollar. Juan Guaido y Leopoldo Lopez tambe a ricibi poco mas cu MCM for di CIA. Nan no a logra nada, nan a uza e placa pa enriquece nan mes y awor nan tur mester duna cuenta na Gobierno di Merca di e placa ricibi. Esaki a cambia e panorama politico di oposicion na Venezuela por completo. Un consecuencia ta peleanan formal den e partidonan di oposicion extremista, cualnan a ricibi placa di CIA. Manuel Rosales di e partido UNT (Un Nuevo Tiempo), lider politico cu a postula Edmundo Gonzales como candidato pa Presidente di Venezuela, memey di 2024, algun dia pasa a ataca MCM, bisando cu tanto ta papia di acta y e mes cu a postula Gonzales como candidato pa presidente, no a ricibi nada di acta di MCM. Indirectamente Rosales a



bisa cu e actanan di MCM ta falso. Tambe Rosales a bay contra e yamada di MCM pa boicotia Eleccionnan na Venezuela april binidero, bisando cu e=Rosales ta bay participa den eleccion. Mas politiconan di oposicion a kibra cu MCM, bisando cu nan ta bay eleccion na april proximo.

Pa e gran parti di electorado na Venezuela ya nan no ta reconoce e oposicion extremista mas como "politico", pero mas bien como un gang di bandido cu mester duna cuenta di e placa cu nan a ricibi di CIA.

Un otro asunto cu mester di claridad ta e compania Venezolano na Merca CITGO. Kende ta doño di CITGO y pa Aruba, di con a para=wind down e proyecto pa habri e Rafinaderia na Aruba? Kico a pasa cu e 350 mil florin?

E claridad politico cu a sur-

gi na Venezuela despues di eliminacion di USAID, unda ya algun dia atras, Gobierno Trump a negocia cu Gobierno Maduro pa petroli, porfin mester habri caminda pa elimina tur obstaculo cu ta existi, pa Aruba habri frontera cu Venezuela y normalisa e relacionnan di hermandad cu semper a existi entre Aruba y Venezuela.

Potretnan di AFP.







We are the largest retailer in the region, offering many opportunities for growth and development and we are looking for a talented and dedicated individual to become part of our dynamic team.

## Finance Director (Dutch Caribbean)

The Finance Director oversees and directs the accounting and financial functions of the overall operation and recognizes methods to improve the Company's profit margin and overall sustainability. In accordance with the strategy defined for the business and the Caribbean region, achieve the set goals and growth objectives of the company in the best interest of its shareholders.

### PRINCIPAL ACCOUNTABILITIES:

- Organize and prepare the annual budgets, coordinating the preparation and smoothly deliverable of departmental budgets and compiling these for the business as a whole and contributing to the preparation of the Company's Business plan/ strategy.
- Monitor and update financial forecasts, ensure budgetary compliance and review budget variances and updates; providing guidance to align business performance and maximize business performance and improved efficiency in line with plan.
- Guide and manage the finance department/ team and oversee the financial accounting processes in compliance with good corporate governance standards and achieve optimum efficiencies.
- Source and manage the cashflow (forecast), required funding and capital expenditure to ensure that there are no shortfalls in meeting financial obligations and meeting the company's growth ambitions.
- Oversee and manage all tax obligations and their compliance with local tax regulation taken into account possible Corporate deductions and leverage tax benefits in the best interest of the Company.
- Review and present management accounts and business performance reports to the key stakeholders to support and enable business analyses and sound business decision making.
- Review Internal controls on a continuous basis and identify areas of weaknesses in the systems and processes; ensuring proper checks and balances are in place. To ensure the financial integrity of the business is maintained; risk mitigated, and good corporate governance is practiced.
- Lead and manage a team of the Finance department to maximize individual and team performance and develop a capable team, managers and team members.

### MINIMUM EXPERIENCE, SKILLS & QUALIFICATIONS:

- Graduate Degree in Accounting, Finance or related discipline (CPA or equivalent)
- Minimum 5 years' experience in a similar finance leadership role (preferably in Aruba and/ or Curacao and in a fast-paced retail/ commercial environment)
- Track record in compliance and developing talent
- Able to work with MS365 (Outlook, Word, Excel, PowerPoint). Experience with EXACT, ORACLE, COSACS, FCCS and/ or Payroll Pro is a plus
- Understanding of IFRS tax regulations
- Fluent in English and able to communicate (both written & verbal) in Papiamentu and Dutch

### PERSONAL COMPETENCIES:

- Analytical mind, detailed & problem solver
- Good reporting and writing skills
- Strong commitment to good ethical practice
- Computer literate with exposure to General Ledger, POS and Spreadsheet applications
- Team player/ builder
- Knowledge of treasury functions
- Understanding of investment appraisals
- Ability to prioritize a demanding workload
- Accurate and self-correcting
- Service oriented

### PLEASE SUBMIT APPLICATIONS TO:

**marisa\_white@unicomer.com by February 21st, 2025**



## Compania priva ta manda su nave espacial luna

**(AP) — Un compania priva a manda un otro raket pa luna awe, cu e meta di yega mas cerca di e polo sur di e luna cu un drone cu lo bula den un crater preto cu nunca ta mira e solo.**

E lander di Intuitive Machines, nombra Athena, a tuma un lift cu SpaceX di NASA su Kennedy Space Center. E ta tuma un biahe rapido pa e luna — cu un aterisahe programa pa 6 di maart — mientras cu ta spera di evita e destino di su predecesor, cu a bolter durante e bahada.

Nunca asina tanto nave espacial tabatin destino pa e superficie di luna den un luna. Luna pasa, companianan di Merca y Hapon a lansa landers separa, Firefly Aerospace di Texas lo yega prome na fin di siman.

E dos landernan di Merca ta cargando experimentonan

valioso di NASA pa prepara pa manda astronauta pa luna. “E ta un tempo fantastico, tin hopi energia,” Nicky Fox, hefe di mision científico di NASA, a comenta durante un entrevista cu AP prime cu e lansamento.

No ta e prome intento di Intuitive Machines. Aña pasa, e compania di Texas a logra e prome bahada ariba e luna despues di mas cu 50 aña, pero un instrumento no a traha bon y e lander a cay demasiado fuerte, kibrando un pata. Pero Intuitive Machines a cambia e problema y hopi otro.

E Athena de 4.7 meter lo purba di baha 160 kilometer di e polo sur di luna. Cerca, tin un crater sombra, e destino final pa e drone nombra Grace. E drone di 1 meter lo bula tres biaha cu cada bula mas largo y mas halto ariba e luna usando thrusters alimenta cu hydrazina pa vuelo, camara y laser pa nabegacion. Si e excursionnan bay bon, e



lo bula den e crater preto 20 meter hundo. Instrumento di ciencia di Hungria y Alemania lo midi na e fondo pa busca awa congela.

E awa congela ta importante pa futuro explorador, ya cu

lo por cambia esaki pa awa of aire, y gasolin pa combustible. NASA ta pagando \$62 milyon na Intuitive Machines pa manda su taladro y otro experimentonan na luna. E compania a bende espacio ariba e lander pa otro nave.

Tambe, e satellite Lunar Trailblazer di NASA lo crea mapa di awa ariba luna.

Un otro nave priva lo sigui un asteroide pa un flyby, un paso mas cerca di mina di asteroid.

## FBI ta acusa hacker conecta na Corea di Norte di robo di criptomonedas

**(AP) — FBI a acusa hackeran cu tin conexion cu Corea di Norte den eheucion di un di e robonan mas grandi den placa cibernetico - conoci como criptomonedas of crypto - cu ta conoci pa publico, hortando un balor di \$1.5 biyon di ethereum for di un firma basa na Dubai.**

E robo cu a pasa na comienso di e luna aki, cu Bybit, un di e compania pa intercambia criptomonedas mas grandi di mundo, ta representa un otro caso cu ta inclui un ekipo di hacker cu gobierno di Merca a identifica cu e nomber Trader-Traitor y Lazarus Group.

E hackernan ta horta placa di crypto “door di e distribucion di aplicacionnan pa comercio di placa cibernetico cu a ser modifica pa inclui malware cu ta facilita e robo” FBI a declara.

FBI a emiti un aviso cu ta sospecha Pyongyang den e robo. Den un anuncio pa servicio publico online diaranson anochi, FBI a expresa cu nan ta kere cu e hackernan cu tin sosten di Corea di Norte ta “responsabel pa e robo.”

“Actornan di Trader-Traitor ta sigui rapidamente y a conver-

ti algun di e accionnan horta na Bitcoin y otronan virtual a ser distribui pa miles di adres den varios blockchain,” e FBI a bisa den su anuncio. “Ta spera cu nan lo sigui ta laba y finalmente converti na placa fiat.”

Medio di estado di Corea di Norte no a reconoce ni e robo ni e acusacion di FBI. E mision di Pyongyang na ONU na Geneva no a responde na un peticion di comentario for di The Associated Press.

Robo di Corea di Norte por financia programa di armanan nuclear. Sin embargo, Corea di Norte a horta un cantidad calcula di \$1.2 biyon den criptomonedas y otro bienes virtual den e ultimo 5 aña, segun e agencia di spionahe di Corea di Sur. E ta representa un fuente unico di placa stranhero cu ta hopi necesario pa sostene su economia fragil y financia su programa nuclear den meymey di sancionnan intensivo di ONU (Organizacion di Nacionnan Uni) y ceramento di frontera estricto di Corea di Norte durante pandemia di coronavirus.

Un panel de experto di UN a bisa separa cu nan ta investigando 58 atake cibernetico



co sospechoso di Corea di Norte entre 2017 y 2023 cu a horta mas o menos \$3 biyon pa “supuestamente yuda na financia desaroyo di armanan di destruccion masivo.”

Ben Zhou, co-fundador y CEO di Bybit, a reconoce e anuncio di FBI den un post ariba plataforma social X cu link pa un website cu ta ofrece \$140 milyon ken cu haya e ladronnan di criptomonedas y por bloki’e pa otro exchange.

Bybit a bisa cu un transferencia di rutina di ethereum, un di e criptomonedas mas popular, for di un cartera friu of offline a ser “manipula” door di un atacante cu a transporta e criptomonedas na un adres

no identifica.

“Ta un hackeo hopi sofisticado den contra di cartera friu (cold wallet) via un explotacion di e tipo blind signing, unda e atacante ta crea un interfaz falso cu ta gana usuarionan, pasobra e ta un copia casi identico di algun plataforma cu ta confia,” Manuel Villegas a skirbi, analista di Julius Baer.

E firma di blockchain analitico Certik a describi e robo como “e robo mas grandi” den historia di transaccionnan blockchain.

E robo a haci cu e prijsnan di criptomonedas ta bahando ultimamente, pasobra inversionistanan tin miedo di

hackeo, apesar cu e industria a haya un empuhe cu e eleccion di presidente di Merca Donald Trump. Lider di e industria di Bitcoin a mercadia mas cu \$82,000 pa coin diahuebs, mas abao for di \$100,000 un luna pasa.

Dubai ta atrae criptomonedas miyonario. Pero te awo, Emirato Arabe Uni a sigui apoya operacionnan di Bybit den su pais. E exchange a haya “aprobacion den principio” for di Seguridad y Autoridad di Commodities di UAE y Autoridad Regulatoria di Assets Virtual di Dubai.

Bybit ta un di varios firma di criptomonedas y miyonario den Dubai, unda videonan di nan cumprando y coriendo ‘supercar’ a bira un genero online ariba su mes. Dubai y UAE no tin impuesto personal of di ganashi di capital, cu por ta un beneficio pa esnan cu ta busca di saca nan placa virtual.

“Entre Juli 2023 y Juni 2024, UAE a ricibi mas cu \$30 biyon den criptomonedas, poniendo e pais den e top 40 global,” un rapport di firma blockchain Chainalysis cu ta basa na New York a bisa na october.



## A informa polis di un auto cu a hera accidenta na rotonde di aeropuerto

**Diaranson madruga a drenta informe di cu un auto por poco a accidenta na e rotonde aeropuerto, mesora a dirigi un patruya na e sitio.**

Na yegada di e patruya a ser informa cu e chauffeur a bira malo tras di stuur y por poco a accidenta.

Mirando e situacion di e dama a solicita presencia di ambulans na e sitio. Na yegada di e ambulance nan a atende e dama cual su sucu a



baha cual a pone bira malo y por poco el a accidenta. Un otro persona cu tabata na e



## Accidente ora un chauffeur a bay cambia di banda robes pa drechi

**Diaranson mainta a drenta informe di un accidente na e rotonde banda di Guardian, mesora a dirigi un patruya na e sitio.**

Na yegada di e patruya a bin compronde cu e S.U.V Toyota cu tabata na e banda robes a djis yega bay hala na su man drechi y a bay dal na e auto den banda. Afortunadamente ningun hende a resulta herida.



## Chauffeur di un Chevrolet no a regula su velocidad ni mantene distancia y a dal tras di un B.M.W

**Diaranson mainta a drenta informe di un accidente na e crusada banda di W.E.B. na Balashi, mesora a dirigi un patruya na e sitio.**

Na yegada di e patruya a bin compronde cu aki ta trata di un accidente unda e chauffeur di un Chevrolet no a regula su velocidad ni a mantene distancia a bay dal tras di un B.M.W. Afortunadamente ningun hende a resulta herida.



## Turista di crucero a haya un atake di curason riba Catamaran



**Diaranson mainta a drenta informe di cu tin un boto biniendo na Boca Catalina cu un dama turista crucero cu a dal abao**

**riba un trip di Catamaran y no ta reacciona verbal, mesora a dirigi tanto polis como ambulans na e sitio.**



Biniendo aden cu e turista a cuminsa dun'e C.P.R., na nan yegada na e strand a pas'e pa ambulans dunando e dama C.P.R. Ora cu a pon'e den



e ambulans a bin logra haya pulso pero na yegada na hospital ya tabata laat y e dokternan na hospital no por a haci nada mas cu constata cu e

turista a fayece di un atake na su curason.

Na su famia ta extende palabranan di condolencia.



## Accidente cu hende herida pa falta di preferencia



**Diaranson merdia a drenta informe di un accidente cu hende herida na Savaneta, mesora a dirigi tanto polis como ambulans na e sitio.**

Na yegada di e patruya a bin compronde cu aki ta trata di un accidente pa falta di pref-

erencia unda un Honda Fit a subi e caminda sin a duna preferencia na e Suzuki Spresso cu tabata bahando for di pariba. Debi na e impacto

ambos auto a bay para pazuid di caminda y un persona a resulta levemente herida.

Na yegada di e ambulans nan

a atende e victima na e sitio mes

## Ambulans a presenta pa homber cu a cay for di dak



**Diaranson merdia a drenta informe di cu un persona a cay for di un dak na Papilon, mesora a dirigi**

**un ambulans na e sitio.** Na yegada di e ambulans a bin compronde cu un homber di 45 aña lo a cay for di dak po-

siblemente e lo a fractura su rudia y tin un kap na cabes. E personal a atende y a transporte pa hospital.

## Polis a atende un accidente hit & run na Mangel Halto



**Diaranson atardi a drenta informe di un accidente na Mangel Halto, mesora a dirigi un patruya na e sitio.**

Na yegada di e patruya a bin compronde cu aki ta trata di un accidente hit & run unda ora turistanan a bay bek na nan auto nan a descubri cu



un otro auto lo a dal nan auto di huur y a core bay. Polis mester bay mira e camaranan di seguridad pa asina logra bay haya e auto envolvi.

## Chauffeur a perde control y cay den greppel



**Diaranson atardi a drenta informe di un accidente na Tanki Flip, mesora a dirigi un patruya na e sitio.**

Na yegada di e patruya a bin compronde cu e chauffeur a

perde control y a baha parcialmente e auto den e greppel.

E chauffeur a solicita un takelwagen pa asina e logra saca su auto.





Organo Ehecutivo AZV ta informa:

## Entrante 1 di maart 2025 tin servicio di dokter di cas via Huisartsenpost San Nicolas!

Ta un grato placer pa Organo Ehecutivo AZV anuncia cu awor tin un huisartsenpost na San Nicolas tambe. Entrante diasabra 1 di maart 2025 ta inicia servicio di HAP (Huisartsenpost) na Instituto Medico San Nicolas

(ImSan).

E servicio di Huisartsenpost ta -manera ya ta conoci- pa ora hende bira malo pafo di e orarionan regular di nan dokter di cas.

Con pa yega HAP San Nicolas?

Bo ta bay na e entrada principal di ImSan.

Orario di HAP San Nicolas:  
Dialuna pa diabierna:  
06:00pm – 10:00pm  
Diasabra y diadomingo:  
09:00am-01:00pm &  
06:00pm-10:00pm



## Plan di Mayor: Bo aliado pa un separacion sin stress


Plan di Mayor ta aki pa guia y sostene mayornan cu ta pasa door di un separacion of divorcio. Nos ta compronde cu e proceso aki por ta dificil, pero nos ta disponibel pa yuda bo





















y bo yiu(nan) pa tene un transicion stabiel y harmonioso.

Si bo ta separando of divorciando, ta importante pa pensa riba bienestar di bo(so)

yu(nan). Plan di Mayor ta duna bo e hermentnan y informacion necesario pa guia bo den e proceso di co-parenting, asegurando cu e necesidadnan di bo(so) yiu(nan) ta na prome lugar.



Resultado Sorteo Februari 27			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
7401	2408	0261	5309
0313	5080	SUPER5	7555
7348	9160	-	5355

MERDIA	ANOCHI		
<div> Sorteo # 4550 9658 2621 1432  X2  Sorteo # 4550 9698  X3  Sorteo # 2606 5116  Sorteo # 4550 2361 Sagitario  Sorteo # 1424  X2</div>	<div> Sorteo # 8485 2811 2439 5410  X2  Sorteo # 7529 6648  X2  Sorteo # 2234 1510  Sorteo # 6288 4702 Cancer  Sorteo # 1218 202  FP</div>	<div> Sorteo # 0 x Jackpot 0 x Match 4+ 0 x Match 4 0 x Afl. 12,00</div> <div> Sorteo # 6756 0 x Jackpot 3 x Match 4 227 x Afl 8,00</div> <div> Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00</div> <div> Sorteo #   &lt;</div>	

Plan di Mayor ta obligatorio segun ley for di 2024

Desde 1 maart 2024, Plan di Mayor ta un rekisito obligatorio segun ley pa tur mayornan cu ta separa of divorcia. Esaki ta reforsa importancia di co-parenting structura pa sigura bienestar di yiu(nan) durante e transicion di su hogar. Mayornan ta obliga pa inscribi y participa den e programanan pa crea un plan di mayor saludabel y efectivo.

Dicon registra na Plan di Mayor?

- Bo ta ricibi orientacion personalisa riba co-parenting
- Bo ta haya mediacion pa evita conflicto y trece claridad
- Nos ta yuda bo crea un plan di mayor cu ta pone bo(so) yiu(nan) su bienestar prome

Nos Mision

Nos ta enfoca riba e bienestar di bo(so) yiu(nan) y di

bo mes. Un separacion no tin cu significa dolor pa bo(so) yiu(nan). Nos ta guia mayornan pa traha hunto, comunica na un manera positivo y crea un ambiente stabiel cu respet mutuo.

Nos Vision

Nos vision ta un futuro unda cada mucha por crece cu amor, estabilidad y sin impacto negativo di separacion di su mayornan. Nos kier duna mayornan e poder pa colabora y pone nan yiu(nan) prome pa un futuro feliz.

Bo a separa? of ta separando? Registra awe mes!

Nos ta invita tur mayornan cu ta separa of divorcia pa inscribi na Plan di Mayor y haya e sosten cu bo(so) y bo(so) yiu(nan) merece.

Contact nos na +297 2800025, +297 569 6871 of bishita nos website [www.plandimayor.org](http://www.plandimayor.org)







#### Cas Di Cultura

Vondellaan 2 Aruba  
297-582-1010

#### F A D A

Campanastraat 5 Aruba  
297-583-2999  
297-583-9610

#### F A V I

Primavera 233 Aruba  
297-582-5051  
297-582-5222

#### F E P O

Engelandstraat 15 Aruba  
297-583-1016  
297-583-6607

**Fundacion Contra  
Violencia Relacional**  
Tel: 583-5400

#### Fundacion Autismo Aruba

Irenestraat 21 Aruba  
297-588-1179

#### Fundacion Pa Nos Muchanan

Cumana 2 Aruba  
297-583-4247

**Fundacion Tel Pa  
Hubentud**  
Wilhelminastraat 19  
Aruba  
297-588-6138  
**Koningin Wilhelmina  
Fonds**  
Spinozastraat 9 Aruba  
297-582-0412

**Mary Joan Foundation**  
Sabana Blanco 8 Aruba  
297-588-9999

#### Rode Kruis Aruba

Pedro Gallegostraat 14  
Tel.297-582-2219  
Fax 588-3376

#### Famia Planea (SBVO)

Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.com

#### Stichting Fundacion Guia Mi

George Madurostraat 34  
297-582-0088

#### Y M C A

Calbasstraat 1 Aruba  
297-582-3072

#### AL-ANON group

Sabana Liber #8, Noord  
(close to the hotels)  
Tel: 736-2952 or  
593-7081



#### Dokter na warda

**Oranjestad** **San Nicolas**  
**Hospital** **Imsan**  
7:00 pm / 10:00 pm **24 ora**

#### Botica na warda

**Oranjestad:** **San Nicolas:**  
Kibrahacha: Aloe:  
Tel. 583 4908 Tel. 584 4606  
**EMERGENCIA** **911**

#### POLIS

**Oranjestad** **100**  
**San Nicolas** **104**  
**Santa Cruz** **105**  
**Noord** **107**  
**Tip Line** **11141**  
**Brandweer** **115**  
**Ambulance** **911**  
**Hospital** **527-4000**  
**Imsan** **524-8833**  
**Warda Costa** **913**  
**Seguridad Nacional** **11911**  
**Cruz Cora** **582-2219**

#### BOTICA

**Aloe** **584-4606**  
**4 Centro Medico** **584-5794**  
**Central** **585-1965**  
**Dakota** **588-7364**  
**Del Pueblo** **582-1253**  
**Eagle** **587-9011**  
**Kibrahacha** **583-4908**  
**Maria** **585-8145**  
**Di Servicio Noord** **586-4606**  
**Oduber** **582-1780**  
**Paradera** **588-6638**  
**San Lucas** **584-5119**  
**San Nicolas** **584-5712**  
**Santa Anna** **586-8181**  
**Santa Cruz** **585-8028**  
**Sero Preto** **584-4833**  
**Trupial** **583-8560**

#### UTILIDAD

**Setar** **117**  
**Web** **525-4600**  
**Elmar** **523-7147**

#### FUNERARIA

**Aurora** **588-6699**  
**Royal Funeral H.** **586-4444**  
**Ad Patres** **584-2299**  
**Olive Tree** **584-8888**

### Servicio di Taxi

**Aruba Transfer Tour &  
Taxi C.A.**  
Tel: 582 2116/582 2010

**Taxi Adres Services (24h)**  
Tel. 587 5900

**A1 Taxi Services Aruba**  
Tel: 587-8850  
Tel: 280-2828  
Whatsapp: 592-7024

## Prizonero Palestino libera despues di 45 año bao detencion na Israel

(AFP) - Nael Barghouti ta e prizonero Palestino cu mas tempo a cumpli den prizon Israelita, pasando mas di 4 decada den detencion. Diamars bao e intercambio mas recien di prizonero como parti di e tregua, finalmente el a ricibi su libertad.

Barghouti a pasa 45 año den detencion, incluyendo 34 di nan consecutivamente, segun e grupo defensor Palestinian Prisoners Club. El a yega Egipto diahuebs, despues di a ser saca for di e teritorionan Palestino ora cu el a keda libera.

A detene Barghouti prome den 1978 y a sentencia su persona na bida den prizon pa e asesinato di un oficial Israelita y atakenan na sitionan di Israel. Na e tempo aki, e tabata miembro di Fatah, e movimiento di e president Palestino actual Mahmud Abbas, ken ta rival di e grupo Islamista Hamas.

E intercambio di rehen pa prizonero a tuma lugha den oranan trempa di diahuebs y tabata e di 7 y ultimo den e prome fase den e tregua fragil entre Israel y Hamas. E acuerdo a drenta den efecto dia 19 di januari y su prome fase ta caduca diasabra.

Israel su Prison Service diahuebs a confirma cu "a transferi 643 terrorista for di varios prizon den e pais" y a libera nan bao e terminonan di e tregua, despues cu Hamas a entrega e curpa di 4 rehen.

E alto-el-fuego a para en gran parti mas di 15 luna di luchamento cu a destrui y dañá mas di 69% di Gaza su edificacionan, causa cu casi henter e poblacion mester a huy for di nan cas y causa hambruna amplio segun ONU.

Bao e prome fase, Hamas a libera 25 rehen bibo di Israel cu a tuma den su atake di 7 di october den 2023 y a



regresa e curpa di 8 otro nan. Tambe el a libera 5 prizonero Tailandes fuera di e acuerdo su termino.

Israel, na su turno, tabata anticipa di libera alrededor di 1,900 prizonero Palestino.

## Pronostico di tempo

### Tempo:

Awe nochi: parcialmente nubia y generalmente seco  
Den marduga y mañan: parcialmente nubia cu un posibel awasero breve

Temperatura maximo 31  
grado Celsius

Temperatura minimo 26  
grado Celsius

Indice di calor (heat index)  
den y rond di oranan di merdia: 32 pa 36 grado Celsius

Uv index: 10

Bahada di solo : 6:48 pm  
Subida di solo : 6:56 am

### Biento:

Moderate te basta fuerte for di direccion generalmente oost; forsa 4 te 5 (20 te 39 km/ora, 11 te 21 nudo)

Durante di dia fuerte te posiblemente duro den rafaga; forsa 6 te 7 (40 te 61 km/ora, 22 te 33 nudo)

### Situacion general di tempo:

No ta spera cambianan grandi den e tipo di weer cu tin actualmente. Atmosfera regional ta relativamente seco



y esaki lo stroba e desaroyo di nubianan cu ta produci awasero. Pa e motibo aki weer lo keda por lo general seco. Di otro un banda por bisa cu stof di Sahara lo stroba visibilidad un poco durante e proximo dianan. Personanan cu ta sensibel pa cambianan den calidad di aire mester tene esaki na cuenta.

### Condicionnan maritimo/estado di lama:

Na partinan protegi di costa: keto, rond di 1 pia.  
Na partinan zuid: trankil 1 pa 2 pia, localmente e por yega 3 pia.  
Na partinan oost te noordwest di costa: generalmente modera cu olanan alrededor di 4 pa 5 pia.



# Aurora

## Royal Pray

Funeral Home & Crematory

No keda asombrá pa loke Mi a caba di bisa; pasobra lo yega e ora ku tur esnan cu ta den graf, lo tende Su stem y lo sali afo, esnan cu hasi loke ta bon pa resurekshon di bida.

Huan 5: 28-29

Cu tristeza, pero agradecido pa loke e la significa pa cada unu di nos, yunan y demas famia ta anuncia fayecimento di:



### Sra. Vda. Susan D. Willems-Dania

Mihor conosi como: Chichi of Chichi di Boeis  
\*25-03-1931 - †22-02-2025

Na nomber di su **yiunan** :

Glenda Willems y yiunan  
Gisela Roga-Willems y Thomas (Jonki) Roga  
Vivian Willems y yiunan  
Elmer Willems y yiunan  
Suzy Willems  
Blanca Giraldo-Willems y Mario Giraldo Botero y yiu

**Manera yiu:**

Anette y Roy Wongsosemito y yiunan  
Alfredo, Fabiola y yiu  
Dolores (Loly) Berkley y yiunan

**Su mihor amiganan:**

Sra. Mirna Illes  
Sra. Andrea Dirks  
Sra. Rachell Dovale  
Sra. Ligia Maria

Nieto(a)nan, bisanieto(a)nan, Sobrino(a), comer y compernan, ihanan, bisinanan, tur rumannan di Testigo di Jehovah.

**Demas famia:** Dania, Willems, Roga, Giraldo Botero, Morales, Roest, Oviedo-Garcia, Werleman, Lacle, Viasis, Montesant, Leito, Pietersz, Senior, Dovale, Martina, Foe, Obiana, Sambo, Illes, Dirks, Suarez, Ras, Desbarida, Comenencia, Muzo, Danje, Chong, Dañe, Hidalgo, Erasmus

**Oportunidad pa condolencia:** lo ta diabierna 28 di februari di 7 pa 9 anochi na Aurora Funeral Home

Ta invita pa **acto di entierro** cual lo tuma lugar na Salon di Reino na Macuarima 10-L diasabra 1 di maart di 9 pa 11 di mainta y despues lo sali pa Santana Central Sabana Basora.

Disculpa nos, pero despues di entierro nos no ta ricibi bishita di condolencia na cas; y disculpa nos si den nos tristeza, nos por a lubida un of otro famia.

# Aurora

## Royal Pray

Funeral Home & Crematory

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"  
Salmo 33

Cu hopi tristesa, pero conforme cu boluntad di Dios, nos ta anuncia fayecimento di nos tanta stima:



### Francisca Reineta Croes

Cariñosamente yama "Stella of Jaja"  
\*20-09-1950 - †19-02-2025

**Tata:** †Anthony S. Croes

**Mama:** †Angelina B. Croes-Fingal

**Su rumannan den feliz memoria:**

Clauthilda, Hildo, Gilberto, Coleta, Luis, Hipolita, Mario y Filomena

**Mescos cu un yiu:** Sheqeon Creeze

**Iha:** Sheidy Kransen

**Sobrino(a)nan:**

Anna Bohré y famia na Hulanda  
Maria Suijkerland y famia na Hulanda  
Sonia y Carlos Belen Gonzalez-Croes  
Anthony Croes  
Louis Croes  
Elka y Frank Croes-Croes  
Angela Croes na Hulanda

**Sobre sobrino(a)nan:**

Sheidy, Ilan, Jairzinho, Angelina, Sharelka, Osrick, Miss Jairy, Aron, Jason, Jorgegino, Jordan

**Jaja su chikitin nan:**

Sheidiane, Gilvan, Gileen, Aisziene, Jaidelyne, Ayvan, Aychell, Mi-Jewel, Jaizeah, Jaithan, Elaiza, Shamara & Adrick

**Ayudante:** Kimberly Geerman

Primo y primanan

**Sua:** Andres Croes

**Cuña:** Lydia José

**Bon bisinanan:** Veca Franken, Alexander & Jeritza Vrolijk y famia, Sharlon Sylvania

**Demas famia:** Croes, Curet, Kransen, Creeze, Belen, Laureano-Gonzalez, Franken, Geerman, Fingal, José, Comenencia, Pouriër, Maduro, Flemming, Sylvania, Garcia, de Cuba, Bohré, Suijkerland, Jeelof, Mathilda.

Ta invita tur famia, bisina y conocirnan pa asisti na acto di entierro cual lo tuma lugar diaranson 5 di maart 2025 na Royal Funeral Home di 2or pa 4or di atardi. Despues lo sali pa Santana Catolico De Vries na Sta Cruz.

Nos kier a pidi disculpa si den nos tristesa nos por a lubida un of otro famia

# Aurora

## Royal Pray

Funeral Home & Crematory

*The Lord is my shepherd; I shall not want.  
He makes me lie down in green pastures.  
He leads me beside still waters.  
He restores my soul.  
He leads me in paths of righteousness  
for his name's sake.  
Psalm 23: 1-3*

With deep sorrow we announce the passing of:



### Janice Policarpio Buenaventura

Better known as "Dang"  
\*12-01-1981 - †25-02-2025

Left to mourn are her:

**Daughter:** Hannah Rose Buenaventura

**Mother:** Rosalinda Policarpio

**Father:** †Benjamin Buenaventura

**Siblings:**

Marites & Eduardo Guevarra  
Benjamin & Doyet Buenaventura  
Maricar Buenaventura & Carl Castillo  
†Joy Buenaventura

**Partner:** Geoffrey Baysac

**Nieces & Nephews:**

Ella Marie, Mark Edison, Mark Arman & Mila, Jewel Joy, Arman Carl, Jen Renee, Mckenzie, Evan Myles

Aunts, Uncles, Cousins, Friends & Family in Aruba & the Philippines.

**Related to Families:**

Policapio, Sanchez, Tulabot, Antioquia, De Castro, Aguilar, Salamatina, Marcelo, Lapinid, Flores, Jagape, Garcia, San Jose, Cater, Baysac, Apacible, Rob, Peña, Lagare, Perez, Deraya, Daquiao, Angela.

**Friends:**

Friends and dear colleagues at Ling & Sons Food Market.  
Her doctors and nurses in the Dialysis & ICU department.

We apologize, if in our sadness, we may have forgotten a family member or friend.

**Opportunity for Condolences:**

Wednesday and Thursday, March 5th and 6th, 2025, from 8:00 PM to 10:00 PM at Aurora Funeral Home.



# Aurora

## Royal Pray

### Funeral Home & Crematory

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur bunita.

Nos ta anuncia fayecimento inesperadamente di



## Maria G. Kelly vda. de Mey

Cariñosamente yama: “Ija” of “Dudu”

★02-08-1943 - †24-02-2025

Vda. di Ino de Mey

### Yiunan:

Engelberto (Tico) de Mey y Aida Maduro  
Silvio de Mey  
Lisette y Jos Tromp-de Mey  
Yvonne de Mey  
Vivian (Marlyn) de Mey y Rafael Plaza

### Nieto y nietanan:

Mary Geerman y famia  
Carlos Geerman y famia  
Jonathan Geerman  
Gabriëlle, Nicky y Derron de Mey  
Shahid Garrido y Justin Tromp  
Cindy y Sergio Dirksz  
Vercelo, Marivel, Daniel, Jared Kock y Ravion Plaza

### Manera nieta y nietonan:

Clyo Abath  
Simba Hoek  
Rygeell Larmonie

### Bisnietonan y Bisnieta:

†Ronin Kaersenhout  
Zillion, Zimany Hoek y Liam Larmonie  
Caedan Dirksz  
Daryan y Dimarion Thielman  
Gerson Kock  
Jayläni y Jace Kock

### Rumannan:

†Juanita y †Mario Palm-Kelly y yiunan  
†Simon Kelly y yiunan  
†Facundo y †Vera Kelly  
Juan y †Irena Kelly-Tromp  
Julia y †Dominico Thiel-Kelly y yiunan  
Mario y Gala Kelly-Tromp y yiunan  
Johanes y Maria Kelly-Wouters y yiunan  
Daniel y Edna Kelly-Wouters y yiunan  
Anna y Eme Kelly y yiunan  
Jacantha y Damiano Kelly y yiunan  
Filomena Kelly y yiunan  
Ludwina y †Esteban Pastor-Kelly y yiunan  
†Chichi Werleman y famia  
† Lica Croes y famia

Tata di su nieta y nieto Ermando Dirksz.  
Mama di su nietanan y nieto Nadya Speijer.  
Tata di su nieto Enrique Garrido.

Subrino/a nan stima, primo/a nan, sobresubrino/a nan y su bon bisña famia de Vogel.

Hungador nan di Battle Bolas demas conocirnan di team nan di bolas. Tur su conocirnan di domino.

### Demas famia:

Kelly, de Mey, Maduro, Tromp, Kock, Geerman, Garrido, Dirksz, Speijer, Palm, Thiel, Wouters, Pastor Alvarez, Werleman, Croes, Plaza, Kelkboom, Abath, Hoek, Larmonie, Helder, Kaersenhout, Thielman, Donker, Boekhoudt y Lopez.

**Acto di condolencia** lo tuma lugar dia 27 di februari 2025 na Aurora Funeral Home di 7or pa 9or di anochi.

**Acto di despedida** lo tuma lugar dia 28 di februari 2025 na Aurora Funeral Home di 9or pa 11or di mainta y despues lo sali pa Santana Pastoor Kraanwinkel na Paradera. Despues di entiero no ta ricibi bishita na cas.

Nos disculpa si den nos tristesa nos por a lubida algun famia of conocir.

# Aurora

## Royal Pray

### Funeral Home & Crematory

“Seguro estoy de que la bondad y el amor me seguirán todos los días de mi vida; y en la casa del Señor habitaré para siempre.”  
Salmo 23:6

Cu dolor na nos curason, pero conforme cu boluntad di Dios, nos ta anuncia fayecimento di nos ser stima:



## Sra. Nelida M. Tromp-Yanez

Cariñosamente yama “Juffrouw Neli”

★24-09-1945 - †22-02-2025

Na number di su:

**Casa:** Eduardo (Eddy) Tromp

### Yiunan:

Crissie Tromp y Aisha Tromp  
Maxie y †Moly

### Rumannan:

Rodolfo y Rosa Yáñez Pérez - Corro y famia  
Migdalia y Francisco Yáñez - Wildi y famia  
Douglas Yáñez Pérez  
Ingrid Yáñez Pérez y famia  
Fernando y Ivonne Yáñez Pérez- Hernández y famia  
Román y Tibisay Yáñez Pérez - Hernández y famia  
José Alberto y Sadi Yáñez Pérez – Pacheco y famia  
Hendrik y Sandra Yáñez Pérez - Poblete y famia  
†Henry Yáñez Pérez  
†Ada Yáñez Pérez  
†Francisco y Belkys Yáñez Pérez - Hernández y famia

### Cuñanan:

†Margo y †Guillermo Wolff -Tromp y famia  
†Hendrik y Mientje Tromp - Ismail y famia  
Jani y Shonkita Tromp - Weller y famia  
Olga y Jossy Luydens - Tromp  
Mario Tromp  
†Cristina Tromp  
Fernando y Ellen Tromp - Koolman y famia  
Eric y Evelyn Tromp - Koolman y famia  
† Irena Tromp

### Amiganan stima:

Carmen Biesum y Yolanda Wernet  
Su grupo di oracion: Celgroup Tamarijn y Celgroup Tamarijn 2 Faith Revival Staff y rumannan den Iglesia Faith Revival y **demas famianan:** Tromp, Falconi, Franken, Donata, Wolff, Ismail, Yanez, Weller, Luydens, Koolman, Oduber, Geerman, Granadillo, Romero, Idigoras, Trimon, Brokke, Dijkhoff, Jacobs, Croes.

Dispensa nos si den nos tristeza nos a lubida algun hende.

Ta invita tur amigo, bisña, conocirnan y tur cu a conoce mama pa asisti na e **acto di entiero** cual lo tuma lugar diabierna, 28 di februari 2025 for di 2or pa 4or di atardi na Royal Funeral Home y despues lo sali pa Santana Catolico na Paradera.

# Aurora

## Royal Pray

### Funeral Home & Crematory

Pasobra Dios a stima mundo asina tanto cu ela duna su Yui unigenito pa ken cu kere den dje no bai perdi, ma pa tin bida eterno.

Cu un curazon kibra, pero inmensamente agradecido pa loke ela significa pa nos, nos ta anuncia fallecimiento inespera di :



## Randy Delano Geerman

“P 43 W”

★16 maart 1972+ 25 februari 2025

Na number di :

**Casa:** Germaine Geerman-Wever

### Yuinan:

Maria Isabel Geerman  
Josua Geerman  
Yatniel Geerman

### Mayornan:

†Benito y Lucrecia Geerman-Faarup

**Suegro(a):** †Hendrik y †Rosalia Wever

### Ruman nan:

Laraine y Leonardo Croes-Geerman  
Andriani Geerman

**Mescos cu ruman:** Gail Tromp

### Swa y Cuna nan:

Carol Falcon-Wever y famia  
Carla Wever y famia  
Gwen Wever y famia  
Sergio Wever-Lacle y famia  
Hubert Wever-Urbe y famia  
Vivian San Pedro-Wever y famia  
Priscilla (Poppy) Meagerman-Wever  
†Dorris Kelly-Wever  
†Ruby de Veer-Wever

Amigo nan di cas:

Jacky y Katrin Oduber  
Gerardo y Jan Oduber  
Gerard Thijsen y Carmen Nicolaas  
Benjamin Romney  
Allan Goede  
Maikel Wever

Famia ta invita tur demas famia, sobrino, sobrina nan, primo, prima nan, tanta cu omo nan

Amigo (a) nan di Aruba Amateur Radio Club, Aruba RC Club, Alpha Tours & Transfer Aruba, su colega nan di Colegio EPI, bon bisinja y demas conocirnan y amistad pa asisti na **acto di intiero** cual lo tuma lugar Diamars 4 maart di 1 – 4 pm na Aurora Funeral Home. Despues nos querido defunto lo sali pa Santana Catolico “Santa Maria” na Santa Cruz.

Despues di intiero no lo ricibi bishita na cas.



## OIM: Mas di 500,000 Afgano desplasa debi na desasternan di cambio di clima den 2024

(AFP)—Mas cu mita miyon hende na Afganistan a ser desplasa debi na desasternan causa pa cambio di clima den 2024, segun e Organizacion Internacional pa Migracion a bisa den un rapport publica diamars.

“Casi 9 miyon individuo a ser afecta pa desasternan di clima den e ultimo 12 luna, cu mas di 500,000 desplasa pa inundacion, segura y otro desasternan natural,” segun e rapport di OIM. “Casi tres den cinco di esnan desplasa a relocalisa pa un otro caminda dentro di nan provincia di



origen,” cu e provincianan Herat y Farah entre esnan afecta mas, el a bisa.

E siman aki, 39 persona a fayece debi na inundacion, hagel y tormentanan den e

parti zuidwest di Afganistan, mayormente den Farah, segun autoridadnan local. Afganistan ta entre e paisnan mas pober na mundo despues di varios decada di guera y ta na di seis lug a como pais mas vulnerable pa cambio di clima, cual ta causando tempo extremo.

Secura, inundacion, degradacion di tera y un caida den productividad agriculatural ta e menasanan clave, segun ONU. Inundacionnan rapido na mei 2024 a resulta den centenares morto y a inunda varios tereno agriculatural na Afganistan, unda

80% di ciudadano ta depende riba agricultura pa sobrevivi. “mas di 11 miyon hende na Afganistan ta den riesgo di impactonan severo causa pa desasternan di clima den futuro,” OIM a bisa. E agencia di ONU ta calcula cu “sectornan sensitivo pa clima, manera agricultura, ta conta pa 73% di e forza laboral na Afganistan.”

El a agrega cu “92% di pueblonan a limita acceso na servicicionan di emergencia” y “96% ta falta recursonan pa medidanan crucial manera sistemanan di advertencia y search and rescue.”

## Espana: Castigo di prizon di abusador reduci via buraco legal

(AFP)—Dos di e cinco homber condena di un caso di violacion den gang na Spanja a mira nan sentencia reduci ayera via un loophole legal crea pa manifestadornan tocante nan prome condenacion.

Un corte den e region Navarra unda e caso a tuma lug a bisa cu e tabata “legalmente obliga” di reduci nan terminonan di prizon for di 15 pa 14 aña pasobra un otro miembro di e grupo a haya su sentencia reduci pa un aña despues di un apelacion pa e Corte Supremo aña pasa. Na 2016, e cinco homber aki a viola di un hoben di 18 anja

durante e festival famoso di toro na Pamplona, a filma e atake y a comparti imagenan di dje den un grupo riba WhatsApp cu nan a yama “la manada.”

E caso a causa manifestacionnan grandi riba caya y a pusha pa un reforma legal despues cu e cinco acusado a ser condena prome cu abuso sexual en bes di e ofensa mas serio di asalto sexual, cual ta inclui violacion, mirando cu e corte a descubri cu nan no a haya prueba di violencia fisico.

Fiscalnan a apela y nan sentencia a subi e siguiente aña for di nueve pa 15 aña. E gobierno isquierdista na Spanja a



reforma e codigo criminal di e pais na 2022 como respuesta na e caso pa defini tur sexo no-consensual como

violacion. Aunke e ley yamado “si so ta nifica si” ta subi e sentencia pa abuso sexual den gang of

submision kimico, e ta reduci ambos e sentencianan maximo y minimo den casonan unda no tin circunstancianan di agravante.

Centenares di ofensornan condena a usa e loophole aki pa aplica pa nan sentencia ser reevalua desde cu e ley a bin den efecto. Na Spanja, un termino den prizon por ser retroactivamente modifica si cambionan na e codigo penal ta beneficia e condenado.

Prome minister socialista Pedro Sanchez a pidi despena pa e daño causa na victimanan di ofensanan sexual cu e loophole aki y su gobierno a cambia e ley pa afecta crimennan conduci for di 2023.

## Tailandia ta deportando decenas di Uyghur pa China

(AFP)—Tailandia a deporta decenas di residente Uyghur pa China ayera a pesar di e advertencianan for di gruponan di derecho humano cu nan por enfrenta persecucion, cual a causa un condena rapido for di e Organizacion di Nacionnan Uni (ONU).

Beijing a ser acusa di comete abusonnan di derecho humano den e region noordwest di Xinjiang, incluyendo e encarcelamento di casi 1 miyon Uyghur y otro minoridad Musulman. E ta nenga e acusacionnan aki.

Gruponan di derecho humano a adverti e ultimo simannan cu Bangkok tabata preparando pa deporta un grupo di 48 Uyghur cu ta deteni den centronan di inmigracion na Tailandia. Nan a bisa cu e Uyghurnan a huy for di China mas di un decada pasa y a



biba den miedo di ser repatria back.

Hefe policial Tailandes, Kitrat Phanphet, a confirma e deportacionnan ayera, bisando cu Beijing a pidi pa e regreso di 40 Uyghur. “E gobierno Chines a skirbi pa e gobierno Tailandes expresando sinceri-

dad y nan intencion pa cuida e Uyghurnan, primintiendo den e carta cu nan lo ser cuida, y garantiza un acomodacion y nan seguridad,” Kitrat a conta reporteronan. “Nos ta sigui e procedura di principio- y leynan internacional,” el a agrega, bisando cu

e entrega a bay facilmente y e Uyghurnan no a resisti. Tailandia a deporta 109 Uyghur pa China na 2015, cual a trece un critico fuerte for di Washington y ONU, pero repetidamente a nenga e existencia di plannan pa un ronda nobo di deportacion.

Hefe di derecho na ONU, Volker Turk, a bisa ayera cu e ultimo grupo aki a ser “forsa di regresa” den un “violacion claro” di ley- y standardnan internacional di derecho humano

“Esaki ta viola e principio di no-devolucion pa cual tin un prohibicion den casonan unda tin un riesgo di tortura, mal tratamiento of otro daño irreparable ora nan regresa,” el a bisa den un declaracion. “Awor ta importante pa autoridadnan Chines revela unda nan ta, y pa sigura cu nan ta ser trata den cuadra cu standardnan internacional riba derecho humano.”

E agencia di refugiado di ONU a bisa cu e ta “hopi desapunta cu e deportacion,” a condena e movida y a haci yamado riba Bangkok pa “stop cu e repatriacion forsa di individuonan for di Tailandia.”



## Ex lidernan Africano ta lansa campaña di alivio di debe pa nacionnan pover

(AFP)—E debe halto cu ta sofocando e paisnan mas pover na mundo mester di un comienso urgente pa preveni varios crisis, segun lidernan Africano a bisa ayera mientras nan ta lansa un iniciativa di alivio di debe y terminonan di prestamo mas husto.



E Iniciativa di Alivio di Debe di Lidernan Africano, lo pusha pa un reorganizacion di e sistema di prestamo global pa habri accesibilidad pa alivio di debe y terminonan di prestamo mas favorable pa paisnan den desaroyo.

“Mas cu mita di e poblacion Africano ta biba den pais-

nan cu ta gastando mas riba pagonan di interes cu educacion, salud of clima,” segun ex-presidente di Mauritius Ameenah Gurib-Fakim, un di e siete ex-lider Africano cu lo sostene e campaña aki. Mayoria pais Africano lo “mester di alivio di debe pa

tin acceso na e financiamiento necesario” pa asina logra e metanan stipula den e Metanan di Desaroyo Sostenible (SDGs) di e Organizacion di Nacionnan Uni pa 2030 y e acuerdo di Paris riba cambio di clima, el a bisa.

Paisnan pover ta gastando 1.4 triyon dollar riba servicio di debe, cu 406 biyon dollar bayendo solamente na pagonan di interes, segun un declaracion for di e iniciativa nobo. E costonan di debe creciente ta comiendo e fondo cu lo por ser usa pa mehora e situacion di pobresa, mancha desasternan natural causa pa cambio di clima y otro reto-

Sur Africa a haci un alivio di debe pa e paisnan mas pover na mundo un prioridad di su presidencia di G20 e aña aki. Ta e prome biaha cu e reunion di G20 ta tuma luga riba tera Africano pero e discusionnan ta ser domina pa preocupacionnan tocante e posicion agresivo di e administracion Mericano nobo cu a recorta financiamiento riba ayudo den exterior, a menasa pa impone tarifa y a mantene su oficialnan mas halto leu for di e reunionnan na Sur Africa.

E presidencia di G20 na Sur Africa a ofrece “un oportunidad unico pa lidera e abordamento di alivio di debe,”

segun ex-vice presidente di Nigeria Yemi Osinbajo. E ratio promedio di debe den paisnan Sub-Sahara a yega un nivel record di casi 60% di output economico anual pa fin di 2022, segun e Fondo Monetario Internacional.

Aña pasa, Zambia a firma un acuerdo di debe cu su prestadornan den exterior, proveendo alivio financiero pa e prome nacion Africano despues di e pandemia di COVID-19. Joyce Banda, ex-presidente di Malawi, a conta reporteronan cu pa 2030, nacionnan den desaroyo lo mester inverti te cu 6.4 triyon dollar anualmente pa logra desaroyo sostenible.

## Rusia ta bisa cu anexo di tera Ucrainiano “no ta discutible”

(AFP)—Kremlin a descarta ayera pa duna back Ucrania e teritorionan cu el a declara di anexa como parti di un acuerdo di paz den futuro, poniendo un liña cora firme mientras oficialnan Ucrainiano y Ruso ta reuni na Istanbul pa un ronda nobo di discusionnan pa normalisa e relacion entre e dos nacion.

Presidente Mericano Donald Trump a pusha pa un fin rapido di e conflicto desde cu el a tuma oficina luna pasa,

tumando contact cu presidente Ruso Vladimir Putin den un cambio sorprendente den politica Mericano den exterior.

E discusionnan na Istanbul ta bin despues di un reunion di nivel halto na Saudi Arabia na comienso di luna, y ta diseña na restaura relacion diplomatico despues cu personal di embahada di ambos banda a ser expulsa bao e administracion di Joe Biden.

Putin a bisa ayera cu e contacto cu Merca a duna “al-

gun speransa” pa resolve e conflicto, pero su vocero a cauciona mas trempan cu pa duna back e teritorionan anexa den Ucrania “no tabata discutible.”

“E teritorionan cu a bira suheto di e Federacion Ruso, cual ta inscribi den e constitucion di nos pais, ta un parti inseparable di nos nacion,” vocero di Kremlin Dmitry Peskov a conta reporteronan.

Algun luna despues di lansa un ofensiva masivo den februario 2022, Rusia a declara e



anexo di cuatro region pazuid y den e parti oost di Ucrania—Donetsk, Lugansk, Zaporizhzhia y Kherson. El a anexa e península Crimeo for di Ucrania na 2014.

Ucrania y mayoria observador internacional a descarta e anexo como ilegal, cual Ucrania a reitera den nan contesta pa e remarcanan di Kremlin. “Ucrania tin su frontera internacionalmente reconocí,” segun e vocero di ministerio di Asunto Externo Georgiy Tykhy.

“Ta echt ridiculo pa mira nan referi na nan constitucion” pa hustifica e anexo, el a agrega. Forsanan Ruso ta controla gran parti di e region di Donetsk y Lugansk pero solamente un parti di Zaporizhzhia y Kherson. Moscu tambe ta ocupa parti di e region Kharviv den e parti noordoost di Ucrania.

Presidente Ucrainiano Volodymyr Zelensky a concede cu su chercito ta falta recurso pa reclama e teritorionan ey, pero ta bisa cu algun teritorio captura por ser debilbi via diplomacia. Kyiv a tuma centenares di

kilometer cuadra di e region Ruso di Kursk y Zelensky a trece dilanti e posibilidad di un “intercambio” di teritorio cu Moscu—un nocion cu tambe a ser descarta pa Rusia.

Putin a bisa ayera cu e discusionnan entre Merca y Rusia a duna “algun speransa” di resolve “problemanan” manera e conflicto Ucrainiano. “Tin un deseo mutuo pa traha riba restaura relacion,” Putin a bisa durante un reunion di e agencia di seguridad FSB.

Peskov a conta reporteronan cu pa restaura e relacion kibra cu Merca tabata un “proceso.”

“Ningun hende ta anticipa cu e decisionnan lo bin facil y rapido. Pero e disposicion politico di e dos pais, cu e disposicion di tende y comprende otro, nos lo por sali exitoso den e proceso aki,” el a bisa.

E comentarionan di Putin ta bin como parti di un serie di actividad diplomatico entre Rusia y Merca, y lidernan Mericano y Europeo, mientras tur banda ta afirma nan posicion na Trump.

# Mondi di Mangel

Encuentro di Conocemento

**Diahuebs, 6 di maart 2025**

**6:45pm - 8:45pm**

**MFA Savaneta,**

**Savaneta 121-F**

- Introducion di ACF y Naturalesa ta Papia
- Presentacion Educativo
- Actividadnan Interactivo
- Pregunta y Contesta

Registra aki.

‘Naturalesa ta Papia’ ta un programa presenta pa Aruba Conservation Foundation (ACF) cu e meta di conecta e comunidad di Aruba, atraves di diferente sesionnan pa stimula un conexon cu Aruba su naturalesa.

## Naturalesa ta Papia